

四庫全書

子部

欽定四庫全書

太玄經卷二

漢 楊雄 撰

晉 范望 注

從銳至事第二

三

一方二州  
二部二家

銳

天玄陽家五土  
中中象漸卦

陽氣岑以銳物之生也

咸專一而不一

行屬於土謂之銳者立春之節終於此  
首之次四雨水氣起於此首之次五斗

指寅太族用事陽氣岑蓋精銳萬物專一而生無  
有差二故謂之銳銳之初一日入營室十三度

初一

蟹之郭索後蛭黃泉

一水也故稱泉亦為介故稱蟹五  
為裸故稱蛭言蟹之後蛭者用心

欽定四庫全書

太玄經

之不一雖有郭索多足之蟹不及無足之蚓也

測曰蟹之郭索心不一也

用心不一

故後

次二銳一無不達

火性上達既以火德而處銳家在其土行并力俱上故言無不

達測曰銳一之達執道必也

專一之故必上達也

次三狂銳盪

三

進人但當進德修業而已在於銳家未見挫折故言銳盪也

測曰狂銳之盪不能處

一也

狂盪之人故不一也

次四銳于時無不利

時者得其時也銳而必利故時無不

利也測曰銳于時得其適也

銳以時宜故得其適也

次五銳其東忘

其西見其背不見其心

家性為銳苟自銳進進東則亡西見背藏心不本道實故言銳

也

測曰銳東忘西不能迴避也

銳東亡西故不求所宜也

次六銳于

醜含于五軌萬鍾貞

醜類也鍾聚也五軌五行也六水也雖在銳世而不失法從五行之

性銳達於類萬福之所聚故正也

測曰銳于醜福祿不量也

萬福所鍾故不可量

數也次七銳于利忝惡至

火在銳家故言利也忝辱也君子之道銳於仁義則吉銳於色

利故惡至也

測曰銳于利辱在一方也

六辱於七在南方也

次八銳其

銳救其敗

木在其上行故相克敗言銳者以木害本既非其宜故銳其木之銳故救敗也

測曰

銳其銳恐轉作殃也

恐作殃禍克其本也

上九陵崢岸峭陲

也陲墮

謂崢嶸也峭峻峭嶸高峻將墮於下故言陲也

測曰陵崢岸峭銳極必崩也

峻高

而銳必崩墮也

三

一方二州  
三部三家

達

天玄陰家六水  
中上象泰卦

陽氣枝枝條出物莫不

達

行屬於水謂之達者言陽氣日盛布施萬物也枝條  
枚末莫不達者故謂之達達之初一日入壁宿一度

初一中冥獨達迴迴不屈

中心也心深稱冥迴通也屈  
盡也一中心冥冥獨達於事

故通而不盡也

測曰中冥獨達內曉無方也

言其所曉通於四海非一方也

二迷腹達目

二為目又為火腹在水之間水克於火息  
心不施故迷腹也家性為達目明外照故

目也

測曰迷腹達目以道不明也

目為心視  
故其明也

次三蒼木

維流厥美可以達于瓜苞

東方為春故青木也維流枝  
枚垂貌也瓜苞尋蔓於地木

不下其枝枚則不得藂而蔓之而達於上民弱  
於下君不施仁以存恤之上下懸絕不相及也

測曰蒼

木維流內恕以量也

居高恕下民所附也

次四小利小達大迷扁

扁不故

四為金陰稱小金稱利陰中之金故小利也四為下祿故小達也不能進賢專於小利故大迷

也測曰小達大迷獨曉隅方也

迷不四達知一方也

次五達于中

衢大小無迷

五為土土而四達故稱衢家性為達而

測

曰達于中衢道四通也

無所迷惑故四通也

次六大達無眈不要

止洫作否

眈界也要中也神靈之道何界之有洫小水也有堤坊之嶮善其如洫故否也

測曰

大達無眈不可偏從也

神祐以福不私於人也

次七達于砭割前

亡後賴

攻斷之威莫絕乎火故稱砭割也火焚宿業故為前亡以生五穀故後賴也

測曰達

于砭割終以不廢也

除故生新不廢事也

次八迷目達腹

八木七為目目

在木下故迷目迷則心精故達腹也

測曰迷目達腹外惑其內也

有目而迷外惑

也

上九達于咎貞終譽

九在水家家性為達欲反克之故言達于咎也雖咎而貞必達

於咎而預防之故有譽也

測曰達咎終譽善以道退也

以道防咎故善退也

三

一方二州三部一家

交

天玄陽家七火上下亦象泰卦

陽交於陰陰交於陽物

登明堂喬喬皇皇

行屬於火謂之交者雨水之氣太簇用事陰陽交泰萬物登明明在地上

故稱明堂喬喬物長春風之聲貌也皇皇猶熒熒也物長順節枝枚營營而順風交泰之時故謂之交交之初

一日入壁宿六度

初一冥交于神齊不以其貞

一北方也故冥冥闇昧也亦為

鬼神北方太陰陰者鬼神之府也家性為交交於鬼神必以肅敬齊也貞精誠也交於鬼神雖在冥闇不以精誠神弗福也

測曰冥交不以懷非含慙也

冥闇不肅故包慙也

次二冥

交有孚明如

孚信也二為平人平正之人交於神明必以誠信故曰有孚也

測曰冥交

之孚信接神明也

明中平正接神信也

次三交于木石

三木四石家性為交

木石相克而反交通非其所也

測曰交于木石不能嚮人也

舍人交石非所嚮也

次四往來熏熏得亡之門

禮尚往來必相往來交報有章故熏熏也交接之通上下

相顧亡猶絕也不相交報交道廢絕故言得亡之門也

測曰往來熏熏與神交行

也

往來以道行之福也

次五交于鸞猩不獲其榮

五處尊位交必其人以自匡佐



交非其類何榮之有四為毛屬故稱鷩猩禮記曰鷩猩能言不離鳥獸君子之道無友不如己者況禽獸乎

測曰交于鷩猩鳥獸同方也

方道也交非其  
人故同方也

次六大圈

閔閔小圈交之我有靈穀與爾穀之

圈國也閔閔救美  
之意也六為宗廟

齊晉江奇書有朝聘之道小國入貢必先告之宗廟  
故言靈穀三國交接動以禮合故言有穀共之也

測

曰大小之交待賢煥光也

相交以禮煥  
有光儀也

次七交于鳥鼠

費其資泰

七為飛鳥亦為鼠亦為弱王王弱於治而  
好異端收養禽獸鳥鼠之類故言費也

測

曰交于鳥鼠徒費也

無益之費  
故言徒也

次八戈矛往來以其貞

不悔

八為矛九為戈象木銳若矛也戈則生枝亦其象  
也八交于九法當相克家性為交善交則和不教

民戰是謂棄之農隙之間講習武習兵往來戈矛交於測道路無犯非禮故貞貞正也以道正之故曰不悔也測

曰戈矛往來征不可廢也

講習以時不廢棄也

上九交于戰伐不

貞覆于城猛則噉

古者治兵以征不義侵伐不止為衆所怨必為大國所吞滅也故有覆城

吞噉之憂有似齊桓不修其師大陷沛澤而執濤塗也春秋譏之也

測曰交于戰伐奚可

遂也

遂猶久也戰伐之事何可久也

三

一方二州三部二家

災

天玄陰家八木上中象需卦

陽氣能剛能柔能作能

休見難而縮

行屬於木謂之災者雨水氣終於此首之次七驚蟄起於此首之次八是時陰尚在

上萬物滋生猶以為難陽氣當上剛柔隨時休動未定災而自縮故謂之災災之初一日入於奎宿一度也

初一赤丹方銳利進以退

赤丹草木萌芽也銳進也草木之進能如水浸尋以長日

以上進家性為  
災故以退也

測曰赤丹方銳動以退也

當進害陰故  
動退者也

次二災其心作疾

作為也二七為火亦為心火在陰中  
災而不進故作疾也中火所作故心

疾也測曰災其心中無勇也

災縮之性  
故無勇也

次三災其鄰守其

節雖勿肆終無拂

三為進人而在災家不能自退守節  
而已不敢肆行終無過差之所拂除

也測曰災其鄰體不可肆也

災縮之世不可  
肆行已意者也

次四災其

哇三歲不囁

四為充故稱哇囁也家性  
為災災而自退故不囁也

測曰災哇不

囁時數失也

災縮不言  
故失時也

次五黃菌不誕俟于慶雲

菌不  
申之

貌家性災退讓以自牧見居天位德澤濺洽上應乎乾故有慶雲之瑞也  
測曰黃菌不誕俟

速耦也

嘉慶之會必相俟也

次六縮失時或承之蓄

六為宋廟君之所奉祭如

神在四節不愆家性災縮又不及時故蓄承也

測曰縮失時坐逋後也

後於時節故乃

災生也

次七詘其節執其術共所殂

七木子也屈節奉上於道不違故言執術

術大道也殂盡也節於道執父之業殂身而已也

測曰詘節共殂內有主也

謂主

父也子繼父事為家之主也

次八窾枯木丁衝振其枝小人有災三

都鉤羅

家性為災縮木而災縮故窾枯也窾枯之木而當衝風故振也八為疾瘵也故稱小人人小而

災終於都退故鉤羅也上則有金金木相近鉤羅之意也

測曰窾木之振小人見侮

也鉤羅於金故見悔也

上九悔縮往來復

金在木行動相剋害故悔縮金剛當進故

言往來復也

測曰悔縮之復得在後也

九為其終故在後也

䷗

一 方 二 州 三部 三家

僖

天玄陽家九金上上亦象需卦

陽氣有僖可以進而進物

咸得其願

行屬於金謂之僖者驚蟄節也僖侯皆待也言陽氣待時而行萬物須陽而長各得其願

故謂僖侯之初一日入奎宿六度

初一冥賊僖天山

冥陰也子在其母行火之上火盛金

衰故陰賊人者則天賊之故言待天山也

測曰冥賊之僖時無吉也

陰賊之人無有

吉時也次二冥德僖天昌

火盛金衰家性為僖動相須待以害其本不即炎起故天昌之

也陰得陽報此之謂也

測曰冥德之僖昌將日也

謂昌日並大之也

次三

僖後時

木在五行恐見克害故僖後時也亦為進人進德修業宜當及時須待之家動則稽退故言後

也

測曰僖而後之解也

宜進不進故解急也

次四詘其角直其足

維以僖穀

金性剛直故以角論言屈刺害之角直足而行唯善是務故言僖穀穀善也

測曰

屈角直足不伎刺也

角而屈屈故刺害之也

次五大爵集于宮庸

小人庠僖空

土稱宮庸處天之位高德所歸如大爵之集高牆也小人諭無德之人非祿所秩必

譏素餐故

僖空也

測曰宮庸之爵不可空得也

以德致祿不可妄受之也

次

六僖福貞貞食于金

貞正也六為宗廟神人玉食故言食于金六亦為水金之所生子順

母事故正也子之初生須母養故曰食金也

測曰僖福貞貞正可服也

待福正

可服

次七僖禍介介凶人之郵

郵謂郵亭舍也七為火  
滅則鏹金故稱凶人而

待於禍在七之位故  
謂之舍介介有害也

測曰僖禍介介與禍期也

介介之  
禍應期

至次八不禍禍僖天活我

一八木也三興於春八衰於  
秋近比於九秋氣將降故言

不禍禍也家性為待內省無瑕時節宜耳故  
須天活到春蓄生如其所望故言天活我也

測曰禍

不禍非厥訖也

天時使然故  
非其過也

上九僖僖天撲之顙

行

正稱僖顙頭也九為之終行  
不正之道待天禍撲之也

測曰僖僖之撲終不可治

也

惡至禍應故  
不治療也

三

一方三州  
一部一家從

天玄陽家一水  
下下象隨卦

陽躍于淵于澤于田于

嶽物企其足

行屬于水謂之從者言陽氣徧接此四處萬物莫不企足欲長而從之故謂之從從

之初一日入

初一日幽嬪之月冥隨之基

日君象也嬪

奎宿十度

象也一在水行水中之日若在大難未發其明月而從之若旦之日日在月前故言隨之君臣道正故為基也

測曰日嬪月隨臣應基也

君臣相應道之基也

次二方出旭旭朋

從爾醜

二陰也在離為日陰中之日故方代也旭旭未明之間醜類也日方出旭旭之時羣類莫不望

之而從故曰朋從爾醜也

測曰方出朋從不知所之也

日之光明無常所也

次

三人不攻之自牽從之

木性上升君子之道有過則改不待攻治而自申率相牽為善

故言從之也

測曰人不攻之自然證也

牽從於善證則也

次四鳴從



不臧有女承其血匡亡

四酉也為雞故稱鳴臧善也其位陰廢故鳴不善也陰故稱女

亦稱血血憂也匡所以盛也女不親祥承憂自盛故亡也

測曰鳴從之亡奚足朋也

承匡之女不足為朋黨也

次五從水之科滿

科法也水之法不滿不行五為天子動以法度

如水平也

測曰從水滿科不自越也

動以法度故從科者也

次六從其

目失其腹

目以論外腹以論內事不兩得從外失內非所以敦仁也

測曰從目失腹

欲丕從也

外內宜備故欲大從也

次七拂其惡從其淑雄黃食肉

拂去也淑善也七為失志失志行張故宜除去如雄黃之除惡害也

測曰拂惡從淑救凶

也去惡從善故救凶也

次八從不淑禍飛不逐

順從之家動宜從善入為瘵病所從

不善如禍之成不可遂  
止故曰禍飛不逐也  
測曰從不淑禍不可訟也  
所從不善

訟而解也  
上九從徽徽後乃登于階終  
子在其母家而相從順故徽徽

也言于階者九而從善  
必登聖門故言階也  
測曰從徽徽後得功也  
從善故有

功者也

☰ 一方三州  
一卦二家  
進  
天玄陰家二火  
陽引而進物出溱溱開

明而前  
行屬於火謂之晉者言陽氣引萬物而長溱溱然日以舒布開明而前謂之進進之初一日入

奎宿一十五度  
初一冥進否作退母  
水在火行家性為進而火在前見害而退故作退母

也水為冥  
故冥進也  
測曰冥進否邪作退也  
以道不正故退之也  
次二進以

中刑大人獨見

刑法也二為平人家性為進進必以法故言進以中刑也進必以法故稱大人

大人有獨見之明故言獨見也

測曰進以中刑刑不可外也

進以中刑故不外之

也次三狂章章不得中行

三為進人家性為進進不得中故章章也三亦為出出而

失道故謂之狂也

測曰狂章章進不中也

進而失道故不中也

次四日飛

縣陰萬物融融

日君子也縣消也陰小人也四為公侯故稱日也陰中之日列國之君知非天

子也君子而消小人太平之道也太平之道萬物茂壯故曰融融也

測曰飛縣陰君道隆

也萬物得所故隆盛也

次五進以擢䟽或杖之扶

擢䟽附離也五為天子而在進

世當以聖道附離於臣臣則盡忠輔佐於上故曰或杖之扶扶助也

測曰進以擢䟽制于

尊也

五位至尊衆所宗制也

次六進以高明受祉無疆

高明五也高明之君

奉祠神靈齊戒盡敬不失禮儀故受祉福無疆界也

測曰進以高明其道迂也

及福

子孫甚迂遠也

次七進非其以聰咎室耳

七為失志故進非其以也君子之道思患

改過樂聞所惡聰咎塞耳非所以為賢也

測曰進非其以毀滋章也

惡聞其咎咎日

多也次八進于淵君子用船

八木也木而進淵知為船以濟水猶君子之濟民也測

曰進淵且船以道行也

進淵得船以其道也

上九逆憑山川三歲

不還

九為上山故逆也三終也家性為進進而不已故終歲也山川高險終歲不還以諭難也

測曰

逆憑山川終不可長也

不可久長者也

三

一方三州  
一部三家

釋

天玄陽家三木  
下上象解卦

陽氣和震園煦釋物咸

稅其枯而解其甲

行屬於木謂之釋者驚蟄節終此首  
次二春分氣起於此首次三斗指卯

夾鍾用事震動也園陽氣形勢也煦暖也謂陽氣溫暖  
萬物咸稅枯解甲而生於太陽之中也故謂之釋釋亦  
解也釋之初一  
日入婁宿三度 初一動而無名酋

首西方也水為金子  
孝子之道無所成名

歸功于母故  
曰無名酋也

測曰動而無名不可得名也

歸功于母不  
可名有也

次二動于響景

火文然也不風不盛威則景  
耀而聲揚故言動于響景也

測曰動于

響景不足觀聽也

聲而不音  
何足聽也

次三風動雷興從其高崇

三在東方震巽之位故稱雷風風動於下雷發於  
地上歸於天二在其上可高而尊故稱高崇也

測曰

風動雷興動有為也

風雷動物為天下作用也

次四動之丘陵失澤

朋

四為澤朋類也五為土土為丘陵也去四即五故動之以丘陵也以諭於人去卑即尊去澤之陵也

測

曰動之丘陵失下危也

處高失舊故危之也

次五和釋之脂四國

之夷

和脂諭濡協也五在釋家而處天位動以濡協於鄰國以平四方故言四國之夷夷平也

測曰

和釋之脂民說無疆也

以和得民故說也

次六震于廷喪其和

貞

貞正也六為宗廟五在六下故言于廷震怒也五以和順和平四國當歸功先神告成祖考家性為釋唯

解而已神怒民怨故喪其和正也

測曰震于廷和正俱亡也

先和後怒故皆亡也

次七震震不悔濯漱其詢

七為失志而自震怒不悔于人雖見詢怒垂自解釋如濯

漱垢辱去其穢也

測曰震震不悔解恥無方也

見悔而解無常辱也

次八

震于利巔仆死

六七八皆稱震者震動也六為母而生八八相假威勢故皆稱震也九為金

為利動欲之九為金所克故巔死也

測曰震于利與死偕行也

行財利之事死之原

也上九今獄後穀終說桎梏

說解也九為極極於刑獄故桎梏也家性為釋雖其

見獄終必解釋也故用說桎梏也穀善也先獄後善故離於難也

測曰今獄後穀于彼

釋殃也

殃謂七也火為金殃九復於一水釋火也

三

一方三州二部一家

格

天玄陰家四金中下象大壯卦

陽氣內壯能格乎羣陰

攘而却之

行屬於金謂之格者陽氣內壯格拒羣陰也攘却而上故謂之格格之初一日入婁宿八

度初一格內善失貞類

貞正也內善親屬之善者家性格乖不與賢者共治其親之善

者各自奔亡若微子去紂也

測曰格內善不省也

失其親屬故中外之親不見循理也

省循省也

次二格內惡幽貞類

惡謂一也一在於內一水二火來克於二故言內惡若惡

親也親之惡者格而去之以明正道無所阿也

測曰格內惡幽貞妙也

妙美善也不阿

其親正道之妙也

次三裳格輦鉤渝

草帶曰輦鉤所以屬輦也渝解也裳垂其帶故鉤解

也三在下體下體之帶故言裳也

測曰裳格輦鉤無以制也

鉤帶俱解故無以制

節其身也次四畢格禽鳥之貞

畢罔也西方之宿畢取象焉羅畢取鳥不破卯覆巢

故為正也測曰畢格禽正法位也

以道取之故法位正也

次五膠漆釋



弓不射角木離

五為天子漆釋喻不密易曰君不密則失臣此之謂也弓以喻臣角以喻身家

性為格故相乖離君臣相失如弓不發也

測曰膠漆釋信不結也

君臣相失故信不結

固也次六息金消石往小來奔

奔大也美稱金惡稱石金主水善畏惡除故小去大

來也測曰息金消石美日大也

小往大來故曰大也

次七格其珍類

龜綢厲

厲危也七為失志高亢其位故印綬危龜為印綢為綬謂小綬也

測曰格其珍

類無以自匡也

乖於其官故無以自匡輔也

次八格彼鞶堅君子得

時小人翳憂否

八為君子九為小人君子在位不畏彊禦故革鞶堅也謂格九而上也小人在

位以治其憂故否也

測曰格彼鞶堅誼不得行也

九品有序誼不得妄所行也

上九郭其目觭其角不庠其體撲

撲擊也九為角七為目九當見格而不庠

身以免於難而反郭目故體免也

測曰郭目解角還自傷也

不遜求免故自傷也

三

一方三州二部二家夷

天玄陽家五土中中亦象大壯

陽氣傷剔陰無救癘物

則平易

行屬於土謂之夷者春分氣也於四分一息卦為大壯陽升在四去天正朔旦日剔除也癘病

也言此時陽氣上在天下除去癘病故萬物平易而長謂之夷夷平也夷之初一日入婁宿十二度初一

載幽貳執夷內

夷平也載始也幽心也貳業也水性平易中表如一故言夷內也

測曰

載幽執夷易其內也

易者夷平也水之平正內外可見也

次二陰夷冒于

天罔

二為平人在陰之位陰自夷平雖冒天罔不為罪也

測曰陰夷冒罔疏不失

也

雖疏於罔不失正平也

次三柔嬰兒于號三日不嘔

柔和也嘔憂慕之聲

也號而不嘔故知為嬰兒也亦為多子兒之類也三以柔和之性處平易之家故不憂也

測曰嬰兒

于號中心也和也

三為五中故中心也和也

次四夷其牙或飫之徒

四為

口亦為金口中之金知為牙也飫厭也夷傷也冒于飲食而不知厭讓故牙傷也

測曰夷其牙

食不足嘉也

食而不讓何善足嘉也

次五中夷無不利

五為天子處夷平之

世行中正之道化流四海莫不易利故言無不利也

測曰中夷之利其道多也

化利

天下故言多也

次六夷于廬其宅丘虛

六水五土土為水廬宅水為土丘虛夷傷其廬

室故宅為丘虛也

測曰夷于廬厥德亡也

廬為德覆而為丘虛故亡也

次七

榦柔榦弱離木爻金夷

夷傷也火附于木而治於金故金傷也以正輔上而協斷金以

治於民猶火輔於木以治金也

測曰榦柔爻金弱勝彊也

以儒得民故勝也

次

八夷其角厲

秋則木廢葉落歸本邪若角也厲危也角而見夷故危也

測曰夷其角

以威傷也

角而見傷故夷角者也

上九夷于耆利敬病年貞

貞正也九

為老極而在夷世世雖平易養老乞言傷於思慮故言夷于耆也恭敬守道盡力為禮故病極年無愆故貞也

測曰夷耆之貞懸車鄉也

致仕懸車在鄉閭也

三

一方三州二部三家

樂

天玄陰家六水中上象豫卦

陽始出與舒疊得以和

淖物咸喜樂

行屬於水謂之樂者春分氣終此首之次五清明氣起於此首之次六與暖也疊積

也言是時陰氣已消陽氣息上萬物暖暖積滯舒生和  
渾百卉莫不喜樂故謂之樂樂初一日入胃宿五度

初一獨樂款款及不遠

水性淪下一獨在下不交于上  
故獨樂也款款獨樂貌也喜樂

之事與衆共之所  
及不遠故款款也

測曰獨樂款款淫其內也

樂不及遠  
故淫內也

次二樂不知辰于天

火性炎上而在樂世故恒喜而未  
知也辰時也時於天時以生萬物

亦所以  
為樂也

測曰樂不可知以時歲也

事天以意以  
樂歲事也

次三不

宴不雅噪呱啞咋號咷倚戶

三為進入始當及時未有  
官爵故不宴遊有雅樂也

噪呱號咷皆憂聲也三亦為戶憂樂  
失節故倚戶也先憂後喜知不雅也

測曰不宴不雅禮

樂廢也

憂樂不節  
故廢之也

次四拂其繫絕其繯佚厥心

四為公  
侯繯綱

也佚樂之家不謹禮節故有網繫之事金測曰拂其繫性剛直拂而去之上輔於五故其心佚

絕繯心誠快也

得伸臣節故心快也

次五鐘鼓喈喈管絃濟濟或

承之衰

喈喈和聲也濟濟憂悲也五為天子當摠理萬機樂而無節有似商紂牛飲長夜衰承憂興終

以失位也

測曰鐘鼓喈喈樂後悲也

極樂憂興故乃後悲也

次六大樂

無間民神禽鳥之般

般樂也宗廟之中神人以和故大樂也天位施絕血食不供聖體不

繼故稱民神與禽鳥為樂也

測曰大樂無間無不懷也

懷思也思宗廟之中事神

明也次七人嘻鬼嘻天要之期

七為失志鬼以謝明嘻笑樂之貌也家性為樂故有

嘻笑之驩失志道窮故要之以期也六為七鬼水王而火死也

測曰人嘻鬼嘻稱樂畢

也 早宜自樂水滅火  
衰而天期訖也

次八嘻嘻自懼亡彼愆虞

八木也到秋而

懼故先嘻嘻也愆過  
也過虞不成故亡也

測曰嘻嘻自懼終自保也

保安也而常自

戒則自救憂患之  
道而終自安也

上九極樂之幾不移日而悲則哭泣

之嗟資

九為極家性為樂樂極憂與故哭泣嗟資憂哀之貌也易曰齎資涕洟此之謂也窮上反下災

在下旬故移日而悲哀也

測曰極樂之幾信可悔也

憂咎一至悔何及也

䷎

三方三州三部一家

爭

天玄陽家七火上下象訟卦

陽氣汜施不偏不頗物

與爭訟各遵其儀

行屬於火謂之爭者言陽氣汜施於上無私於下故萬物爭訟而長各遵

其儀容故謂之曰爭爭之初一日入胃宿九度

初一爭不爭隱冥

水性柔順故爭為不爭以

正國早以致  
高隱冥也

測曰爭不爭道之素也

爭居下流道之美素也

次二

嚇河臞

嚇虛也臞耗也河為水百川所聚二者火也而在火行為火所乾故虛耗也

測曰嚇

河之臞何可憫也

火水相害不可怙恃也

次三爭射齧齧

齧齧戲笑之貌

也三為進人進德修業在於大射君子心爭終無閱恨故齧齧戲笑也

測曰爭射閭閭君

子讓鄰也

揖讓而升故讓鄰也

次四爭小利不酋貞

貞正也酋就也四金也金

以木為利火世炎上利以遠及三則退故曰不就小利故貞也

測曰小利不絕正道

乃昏也

小利為爭故正道昏亂也

次五爭于達利以無方

五處中位故稱達達

九達道也五為天子執德中也

測曰爭于達爭處中也

三欲射上為四所抑故爭處中



之位 次六臂膊脛如股脚臍如維身之疾

臍大也枝大於  
軀臣大於君皆

為疾也六為宗廟下之所奉而  
在爭世不降禮讓故為疾也

測曰臂脛如股臣大隆

也 君微臣盛是  
國之疾也

次七爭干及矛軸用亨于王前行

干盾  
也矛

戈也軸甲也亨通也七為戈兵而在爭家動作  
則爭被甲荷戈以禦不善故利用通王之前道

測曰干

矛之爭衛君躬也

詩云伯也執殳為  
王前驅此之謂也

次八狼盈口舌在

其後

八東方寅為虎故稱狼亦貪狼之意也雖當貪狼  
求盈口之食猶見謀活也故矢攻在後七為弓弩

以八為  
狼也

測曰狼盈口不顧害也

狼貪不已弓矢在  
後不顧其害也

上九

兩虎相牙知掣者全

九八俱為虎故稱兩虎也家性為  
爭金木相害兩虎之爭勢不俱生

兩君之爭勢不俱立其知命者可以  
得金矣金王木死故命有所在也  
測曰兩虎相牙知

所制也

雖當俱爭宜知  
疆所制服也

☰

一方三州  
三部二家

務

天玄陰家八木  
上中象蠱卦

陽氣勉務物咸若其心

而揔其事

行屬於木謂之務者言陽氣已布勸勉萬物  
及時長大成同其心而揔其事故謂之務務

之初一日入  
胃宿十四度

初一始務無方小人亦用罔

在務之初故  
言始也無方

無常方也水出於泉而流百川故無常也罔謂小人之  
知未知所向猶泉初發蒙蒙然也陰家之陽故稱小人

也  
測曰始務無方非小人所理也

無方之務非小  
人之所能理也  
次二

新鮮自求珍絜精其芳君子攸行

二為火故稱新鮮新  
鮮清潔之貌也求之

於己故自珍也陰家之陰故稱君子攸所也精其芬芳所行以道故曰君子攸行也測曰新鮮自

求光于己也由己出也次三不拘不掣其心腐且敗

三在木行陰家之象宜自抑損制從於陰而自推本二木重生故不拘也宜制不制故曰心敗也測曰

不拘不掣其體不全也制故敗不全也次四見矢自

升利羽之朋蓋戴車載四為金故稱矢矢而自升羽之力也羽金朋合乃後而飛猶君

臣同心乃馳風化也四為公侯故稱蓋車車之載物猶君子之濟世也易曰君子得車尚可載也此之謂也

測曰矢及蓋厥道然也然猶是也濟世之次五蜘蛛之

務不如蠶之綸五為天子而在陰家有務之名無益於世五亦為裸故稱蜘蛛蜘蛛有絲雖其

勉務非人所用則不測曰蜘蛛之務無益人也陰家之陽無益

如蠶一綸之利也於世人也初六華實芳若用則藏若藏善也若順也六為陰尊宗廟之道既華而實

故善順也測曰華芳用臧利當年也奉之以數年壽得其當也次七喪其

芳無攸往攸所也往火之所務焚燒山林不別嘉卉故喪其芳也芳而見喪往復何之故無所往也

測曰喪其芳德以衰也七為失志故德衰也次八黃中免于禍貞

貞正也八為上中在中曰黃家性為務務德與和則禍不能害也禍不能害故正也測曰黃中免禍

和以正也居中免禍行所致也上九務成自敗雨成自隊金生水故為陰

家之陽小人之道家性為務務本慮始積小求高便乃求成故雨隊也測曰務成自敗非

厥命也

速則不達非天命所祐也

三

一方三州三部三家

事

天玄陽家九金上上亦象蠱卦

陽氣大冒昭職物則信

信各致其力

行屬於金謂之事者言陽氣大覆於萬物之上以明其所生職各自信於時節而生

長致其力以成生民之業故謂初一事無事至無不事

之事事之初一日入昴宿四度一水也晝夜不休故言至無不事也有事而云無事測

曰事無事以道行也

不言其功道大行也

次二事在樞不咨不諉

喪其哲符

樞始也二為平入始不咨諉為一

測曰不咨

不諉其知亡也

事不咨於謀故乃亡也

次三時往時來間不容釐

三為春春秋冬夏四時來往氣數相襲不容毫釐也測曰時往時來不失趣也四時

來往不失天地之趣也次四男女事不代之字四陰也而金居之金者乾故言男在

陰之位故男女事也男而女事猶為不宜況於字育故不代也測曰男女事非厥務也

男之代女非其務也次五事其事王假之食五為天位處於中央政事由不違於道

為天所祐故先王假之以福祿也測曰事其事職所任也政事由上故任其職也

次六任大自事方來不救宗廟之道先祖所居故任大也自事以福故言方來不以

其道神弗恤也測曰任大自事奚可堪也鬼神不救不可堪也次七大人

扶孤豎子提壺七為祖父故稱大人大人大夫之人五則其孫介於大川不近於母故宜扶育

也壺禮也豎子謂九也金為火孫故稱豎也提用也金宜克木今用禮讓不相克害以成事家相扶之道也

測曰大人扶孤小子知方也

萬禮法也用禮於六故以釋九不克八也

次八

男女事十年不誨

誨教也八為長男而在陰位故女事也十陰數也年歲終也以男為女故

終歲不測曰男女事終家不亨也

男女易位家道不通也

上九到

耳順止事貞

貞正也到耳逆聞也順行也九在事家而為之終終行時事雖有逆聞之言亦順其

道而行之也不以言先而舉於人唯正是與故正也

測曰到耳順止逆聞順行也

逆聞順行隨事宜也

太玄經卷二

欽定四庫全書

子部  
太玄經卷三至五

詳校官中書臣呂光復

璽臺郎員倪廷梅覆勘

總校官進士臣朱鈐

校對官主事臣陳文樞

謄錄監生臣陳桐



欽定四庫全書

太玄經卷三

漢揚雄撰

晉范望注

從更至應第三

三

三方一州一部一家

更

地玄陽家一水下象革卦

陽氣既飛變勢易形物

改其靈

行屬於水謂之更者清明節終於事首之上九穀雨氣起於此首之初一斗指辰姑洗用事言

陽氣上在天中故言既飛萬物洪舒變形易體改其靈曜故謂之更更初一日入昴宿九度

初一冥

化否貞若性

水居陽家故冥冥者未有所見故否水性流行故言若性若水之性故貞也

測

曰冥化否貞少更方也

方當發行必改其常處也

次二時七時九軫

轉其道

二與七合為九金也金王則火死道數相害故軫轉也家性為更更而得道故言時也

測

曰時七時九不失當也

金火相避故不失於當也

次三化白于泥淄

三春為青木到秋則白故言化白在陰之中故言淄淄黑也家性為更展轉其道故色變也

測曰化

白于泥變不明也

變白為黑故不明也

次四更之小得用無不利

四陰位也陰稱小金為利陰中之利故小得也更而小得故無不利也

測曰更之小得民

所望也

改更而利故百姓之所瞻望也

次五童牛角馬不今不古

五為天位

以道化民馬童牛角是其常也家性為更更而顛倒蓋非其宜既不合今亦不合古古今不合宜于之更也

測曰童牛角馬變天常也

更物之性而為治術非天常道也

次六入水

載車出水載杭宜于王之更

六為宗廟重陰所在下之所奉唯謹唯敬家道變改

車杭易位宜在更世以求正故言宜于王之更也

測曰車杭出入其道更也

水車

遼船宜更道也

次七更不更以作病

火焚宿菜以殖嘉穀更之道也宜更而不更嘉穀之

病也測曰更不更能自臧也

而自否臧玄之道也

次八馬阻阻而

更其御

八為東方其宿值房房為天駟故曰駟馬也阻阻不調也馬而不調故更御也

測曰馬

馬阻阻更御乃良也

更以得善故良也

上九不終其德二歲見

代

九在更家而為之終終始以得則不代也三者數代終九亦為極極上反下宜于更之故曰見代也

測

曰不終之代不可長也

不終其德何可長也

䷊

二方一州一部二家斷地玄陰家二火

陽氣彊內而剛外動而

能有斷決

行屬於火謂之斷者陽氣上在五位之上內外剛壯能有斷決於萬物故謂之斷斷之初

一日入畢

宿三度 初一斷心滅斧冥其繩矩

水以平施在內為心陽位火世故以

斧諭斧以治水繩以正曲矩以為方墨模一正道化大行德止剛毅盛壯之治可以斷疑也

測曰斷

心滅斧內自治也

修內表外君子所以為德也

次二冥斷否在塞耳

二陰也亦為目目在陰中故冥家性為斷當明目聰聽以定衆疑今日既不明而塞耳掩聰不採風聲故曰否也

測曰冥斷否中心疑也

耳目不明故心疑也

次三決其龔鼙利

以治穢

三為異巽為風風喘息之象也故為穢斷決之事宜當明目聰耳依乎八議廣采風俗以求此

據而耳目塗塞香臭不聞非所以為斷也三而決之除治穢疾議獄緩死不失其法故利以也測曰決

其龔黷利有謀也

除穢治疾所以謀利也

次四斷我否食非其有

恥

四金也在斷之家宜以治人既在火行陰家之陰故曰否也民治法明臨事有績故可食祿以居官位今

四公侯也斷而不當見識素餐故有恥也

測曰斷我否食可恥也

恥無功者也

次

五大腹決其股脫君子有斷小人以活

五為天位故稱君子腹諭合藏

股以諭臣臣而有脫君當決正正以其理故民活也

測曰大腹決脫斷得理也

決理

也決理臣姦言得其道理也

次六決不決爾仇不闕乃後有鉞

仇怨也闕

遠也鉞斧也仇謂七也鉞謂九也六為上祿五之所尊廟勝受斧以征不廷而所決不決故仇近也所不當斷

戰伐將興故後鉞也測曰決不決辜及身也所決不決身之累也次七庚斷

甲我心孔硯乃後有鏐庚義也甲仁也孔甚也硯大也鏐美也七在斷出失志之人猶

能以義斷於仁故甚大也先失後得故美在後也測曰庚斷甲義斷仁也以義斷於

仁者次八勇侏之爵盜蒙決決無道為侏反義為爵八為火母恃在子家陰位

之陰故為盜也無道反義衆惡所歸故宜決也測曰盜蒙之決妄斷也斷不以義故妄

也上九斧刃蛾蛾利匠人之貞貞正也九為金故為斧巧匠之利利斧猶明君

之利利賢也匠非斧無以展其巧君非賢臣無與共其治故利匠人之正也測曰蛾蛾之斧

利征亂也

斧刀蛾蛾故可  
以征亂者也

䷋

二方一州  
一部三家

毅

地玄陽家三木  
下上亦象夬卦

陽氣方良毅然敢行物

信其志

行屬於木謂之毅者陽氣已盛方周六位上下  
良而毅毅然便行於事無所拘忌故萬物信其

所志長大故謂之毅  
之初一日入畢宿七度

初一懷威滿虛

一水也冬則成  
冰故謂之威易

曰履霜堅冰此之謂也虛空  
也雖威而消故言滿虛也

測曰懷威滿虛道德亡也

以威自務非  
道德之謂也

次二毅于心腹貞

貞正也火性炎上因其  
父母又在毅家益其壯

大也雖則嚴毅懷在心腹終  
不宣揚以從善道故正也

測曰毅于心腹內堅剛也

守道貞正故  
乃堅剛也

次三戴威滿頭君子不足小人有餘

二木  
重生

將上刺天天氣尊高不可得及適足自見在於頭上故戴威也君子之威威而不猛小人務威終則奢僭行過於惡故有餘也測曰戴威滿頭小人所長也自務大也次四君子說

器其言柔且毅

金為口舌故稱言金性剛疆今在陽家陽家之陰故柔且毅也剛柔相戴故稱

君子君子之人故能申說器用於人也柔不失剛剛不失柔四能兼之故言柔且毅也測曰君子

說器言有方也

方道也有君子之美道也

次五不田而穀穀于揀祿

五為天子家性為穀穀然自抗處高食祿故不田也處高祿貴故稱揀也測曰不田而穀食

不當也

但自抗舉無德於民故不當也

次六穀于棟柱利安大主

棟以論君

柱以論臣嚴能毅然不違於法故利也君臣正大主安也測曰穀于棟柱國任疆也



君臣得位  
故彊也

次七觥羊之殺鳴不類

類法也觥羊大羊也  
七主未未為羊大羊

在毅家故  
鳴不法也

測曰觥羊之殺言不法也

羊雖觥大非鳴  
聲之法物也

次

八毅于禍貞君子攸名

八木也以毅近金故禍也在禍  
而正故貞終當免難故君子之

所名

測曰毅于禍貞不可幽蒞也

背已之禍故不  
幽隱正言之也

上九

豨毅其牙發以張弧

九為金故稱牙金為弧弧矢飛兵  
以威不法而有豨以牙為害故

以弧矢  
諭也

測曰豨毅其牙更所獵也

獵捕也七為九更難  
欲動七以大角角捕

治之  
也

䷋

二方一州  
二部一家

裝

地玄陰家四金  
中下象旅卦

陽氣雖大用事微陰據

太玄經

五

下裝而欲去

行屬於金謂之裝者穀雨氣終於此首之次三立夏起於此首之次四太陽用事微

陰當升陽氣方裝束而消去故謂之裝裝之初一日入畢宿十一度

初一幽裝莫見之行

行首也一為裝始始當幽隱裝束而徙故莫見之道路也陽氣升上乃復遁下故先自隱也

測曰幽

裝莫見心已外也

雖尚在此當徙之心已外去也

次二鵑鵑慘于冰翼

彼南風內懷其乘

二南方也為朱鳥鳥而近水故稱鵑鵑鵑水鳥遇冰則困故慘也南風

陽氣鳥之所利故懷其乘正也

測曰鵑鵑之慘懷憂無快也

慘然懷憂故不快也

次三往其志或承之喜

三居陽樂進亦為進人進德及時故往其志也志意一進故有

喜而承之也

測曰往其志遇所快也

福善所承故遇快也

次四鵑雞朝

飛踣于北嚶嚶相和不輟食

四為西方酉雞也朝飛而鳴故鷄雞也言相和者飛

踣於北南則鷄鷄南北交通故相和也鷄雞水鳥北方水行踣得其所故食不止也

測曰鷄雞朝

飛何足賴也

羣鳥相遇所賴微也

次五鴻裝于溜飲食頤頤

溜水也齊

有臨溜縣因水為名也五為天位故稱鴻鳥六亦為水水是鴻利故飲食乃頤頤也

測曰鴻裝于

溜大將得志也

水鳥得其水是其志矣

次六經衢周九路不限其

行賈

水性流行而在裝束之世處六衢之地注衍流通無所拘制商賈之索利無有限止也

測曰

經六衢商旅事也

商旅之人以遠遊為榮也

次七裝無儼利征咎

七為

失志而在裝家故利征也升則傷母退則畏水故咎無與兩處故無儼也

測曰裝無儼禍且

至也

行而過咎故禍至也

次八季仲播軌泣于之道用送厥往

八木

也車之所用故為軌七火九金恐見焚克故言播也泣憂也七以上稱季八在其中故言季仲車播其軌於季

仲憂也

測曰季仲播軌送其死也

送水就金死之原也

上九裝于昏

昏日入也九在裝家而為之終終竟於事從一至九若日之入故以昏論也

測曰裝于昏尚

可避也

昏忘之事也

䷗

三方一州二家

地玄陽家五土中中象師卦

陽氣信高懷齊萬物宣

明孀大衆多

行屬於土謂之衆者謂是時陽氣徧於六位純剛思齊萬物宣明開大族類衆多故

謂之衆衆之初一日入畢宿十五度

初一冥兵始火入耳農輟馬穀尸將

班于田

輟止也班布也尸主也火以諭急兵衆之世故農止馬穀主布田畝以相嫗也

測曰冥

兵之始始則不臧也

衆兵之世故不善也

次二兵無刃師無陳麟

或賓之溫

二為戈在軍衆之家而畏於水故言無刃而不陳也麟者仁獸有角不觸故以賓諭溫溫

顏而巳也

測曰兵無刃德服無方也

德之所服無常方也

次三軍或纍

車丈人摧孥內蹈之瑕

軍衆之衆故稱纍車三無家號故言丈人也摧趣也瑕過也孥

子弟也軍事尚疾子弟相趣不責以禮故言內瑕也

測曰軍或纍車廟戰內傷也

廟勝而退故心傷也

次四虎號振廠豹勝其秘否

四西方也故稱虎號怒聲也陰

稱之水者故稱豹秘閉也騰而見聞故振廠也振廠盛怒貌也

測曰虎號振廠如鷹之

揚也

四稱公侯在師之中而如鷹揚有似太公之於周武也

次五踰戰喈喈若熊

若螭

五為天子聚衆之世交戰中原故喈喈也軍事勇故稱熊螭也

測曰踰戰喈喈恃

力作王也

武威之家以力王於世也

次六大兵雷霆震其耳維用詘

腹

六為大水易曰地中有水師故六為大兵也六亦為耳兵大故雷震也耳以明聽軍以密成口與心計故

腹屈也

測曰大兵雷霆威震無疆也

雷霆之震故無疆限也

次七旌

旗絺羅干戈蛾蛾師孕唁之哭且聵

師育者也孕重身也弔生曰唁竊視

稱順七為目為六所見故盲也師衆之事干戈為務盲孕相唁故哭且聵

測曰旌旗絺羅大

恨民也

旌旗絺羅故大恨也

次八兵衰衰見其病不見與尸

衰衰瘠瘠

之貌也兵病於外衆之所見言不見與尸者  
兵已勞疾何能有所克故無尸俘以榮軍也  
測曰兵衰

衰不血刃也

兵馬勞病故不血刃也

上九斧刃缺其柯折可以止

不可以伐往血

金故稱斧斧柯者征伐之柄也或折或缺非所以御敵也故可以止而欲伐人

則有敗也

測曰刃缺柯折將不足往也

斧缺柯折故不足往也



二方一州三部三家

密

地玄陰家六水中上象比卦

陽氣親天萬物九蘭咸

密無間

行屬於水謂之密者言陽氣布於六位純剛用事萬物完茂九蘭然雅密無有間隙故謂之密

密之初一日入參宿三度

初一窺之無間大幽之門

一位在下故稱大幽水性密雅

故無間也雖幽當開故以門諭也

測曰窺之無間密無方也

密雅如水故無方隅

也

次二不密不比我心即次

我我民也即就也比比次而上也君不密則失臣火

在水行共成五味猶君臣相須以濟治也若不相密則民就次而去之也

測曰不密不比違

厥鄉也

去其常所居也

次三密于親利以作人

三即水子故言密其親也孝經

曰不愛其親而愛他人德之悖也故三密親以利作人之道也

測曰密于親為利臧也

臧善也利善人之道

次四密于腥臊三日不覺散

散效也三終也四為金在水之

行子在其母故密也三欲親之懼見克害故言腥臊也言相克害故終日不效也

測曰密于腥

臊小惡通也

更相覺克故通惡也

次五密密不罇嬪于天

五處密家而在

中央上下密附無有罇罇故可以嬪於天矣

測曰密密不罇並天功也

並匹也功



事也作天之合端妃  
於上故並天功也

次六大惡之比或益之恤

恤憂也  
六為大

水水克於火夫人為惡故曰大  
惡也近比於七故益之憂也

測曰大惡之比匹異同

也

水與火異而或為妃春秋  
傳曰水火妃故匹異同也

次七密有口小鰓大君在

無後

君子之化密如清風火性炎上飛流布口語之  
放誰而止之鰓難也大君為六也子王於五故六

為大君也大君居之能制口訟雖其小難無有後  
言七為口語六水七火水滅於火故止口語也

測曰

密口小鰓賴君逢也

賴於大君  
彌縫之也

次八琢齒依齧三歲無

君

三終也陽成於三故為終也密比之家唇齒相附唇  
亡齒寒故依齧齧晒也八木九金金克於木下不密

上猶民不依君  
故終歲無君也

測曰琢齒依齧君自拔也

自拔出  
於惡也

上九

密禍之比先下後得其死

九極反下火行常見故言密禍君先下民民忘其死故後

得其死力也

測曰密禍之比終不可奪也

死義盡忠志不可割奪也

䷌

二方一州一部一家親

地玄陽家七火上下亦象比卦陽方仁愛全真敦篤物

咸親睦

行屬於火謂之親者立夏節終於此首之次六小滿氣起於此首次七斗指巳中呂用事陰氣

已消陽道得專全真敦厚萬物親睦故謂之親親之初一日入參宿七度

初一親非其膚其

志齟齬

水之於火氣志交通然相克害不可共器隔以釜鼎故言非其膚非其肌膚之愛也齟齬相惡

也力同性異行數相克故相惡也

測曰親非其膚中心閑也

雖性通交宜分限也

閑限也

次二孚其肉其志資戚

孚信也肉骨肉也資用也二為平人未仕於世志在

親戚骨肉而已也

測曰孚其肉人莫聞也

志用親戚故人無聞知也

次三螟

蛉不屬螺贏取之不迂侮

三火之母也當相親愛行母子之恩反若螟蛉之於桑蟲

本非親屬義不御侮故言不迂館也迂御也

測曰螟蛉不屬失其體也

以親為疎

失其本體也

次四賓親于禮飲食几几

几几偕也四為賓以木為主親親之義必

以禮合故有飲食之道也金克於木而以為主者此火行也木火之母是家之長故為主也禮會之出以疎為親況自資奉以身為賓也邪

測曰賓親于禮賓主偕也

賓之與主俱有其禮也

次五厚不厚比人將走

五土也故稱厚土則火子子而不厚父母況親比者乎故將走

也測曰厚不厚失類無方也

子不厚母故失類也

次六厚厚君子

秉斗

斗處中央而衆星共之四時為候取正於是六亦為水雖克其本能以厚德處中居正猶君子執中

直之心無欲於人也

測曰厚厚君子得人無疆也

君子過厚故得人也

次七

高亢其位庠於同事

七為無道之主在六之上高而無民故高亢也有似乎王政遂微弱

勢在諸侯事故庠也

測曰位高事卑德不能也

位高德卑故不能也

次八肺

附乾餼其幹已良君子攸行

削曰肺柿曰附八木也而在親家故言肺附如柿之

附木親在于木猶支息之附大木也支生於幹幹而舉之故言已良親有良幹亦君子之所去而就之也

測

曰肺附之行不我材也

乾餼之食非材之致也

上九童親不貞

貞正

也九在火行而為之孫故稱童親順孫之道以奉於上如其不順為行所克故不正也

測曰童親

不貞還自菱也

菱根也從子及孫故根菱也

三三

二方一州二家

地玄陰家八木陽氣大滿於外微陰小

斂於內

行屬於木謂之斂者言是時純陽據位陰在於下各自儉斂未相消動故謂之斂斂初一日入

井宿

三度初一小斂不貸利用安人正國

古者十一而稅天下之通法也年荒

則薄賦故稱小斂也不相伐勞謂疆弱各別也疆不凌弱故民安國正矣

測曰小斂不貸其

道當也

安人正國得道之當也

次二墨斂載載甯我匪貞

貞正也二火也

載少也匪不也為陰中之火故小斂也斂積之家取非其正故不貞也

測曰墨斂載載非

所以光也

甯大不正故不足為光榮

次三見小勿用以我扶疏

三木也

小八大故小不用到秋八木扶疏而大故可用  
也以論物微可大如木扶疏之時可材用也  
測曰見

小勿用俟我大也

舍小待大故相俟也

次四斂利小刑小進大退

四金也金克於木故小刑也收斂之家小進則相侵以至刑殘不如大退守正而已也

測曰斂利

小刑其正退也

小刑為害故正退也

次五畜槃而衍繭純于田

為五

君位畜養也槃器名也衍達也五又為土故有田之名謂自君達民孟夏之節以田桑為務天時之利也家性為斂斂利收功唯田與桑故言純于田也

測曰畜槃繭純不奪時也

先天不違故不

奪時也

次六閔而繇而作大元而小人不戒

六為宗廟水木之母母在

宗廟下之所天世之政也水起於一當漸以進而便作大故宜戒也  
測曰閔繇之戒不識

微也

小人不戒故不識別也

次七夫牽于車妻為剥茶利于王姑

不利公家病

火焚於木故為剥茶陽稱夫夫引車於外妻剥茶於內此王姑之利也貨利於私門

故公家病也

測曰牽牛剥茶斂之資也

斂入私門王姑之資財也次八大

斂大巔

此本木行今八木也而在斂世八月之時枝扶踈葉落歸本故大斂也斂過十一民財匱訖

故大巔也

測曰大斂之巔所斂非也

過於十一故非也

上九斂于時

利圉極蓄

金在木行克利於八故斂于時也畜積之家必有儲委故利圉災也

測曰斂于

時奚可幾也

幾近也重斂之世不可近習

䷌

二方一州三部三家彊

地玄陽家九金陽氣統剛乾乾萬物莫

不彊梁

行屬於金謂之彊者謂是時陽氣一統而剛乾在上萬物彊盛謂之彊梁者彊助也彊之初一

日入井

宿七度初一彊中否貞無攸用

攸所也水金子也子母之道相扶為彊故曰彊

中不用文德故否正守其性故貞彊梁之人待子為勢故無所用也

測曰彊中否貞不可

與謀也

彊梁之人不可與謀之於世也

次二鳳鳥于飛脩其羽君子

于辰終莫之圉

二為朱鳥鳥而彊大故謂之鳳鳳之高飛必脩其羽猶君子將仕必脩其學也

圉止也脩身正行文學優備而會于辰以終天祿無能止也

測曰鳳鳥于飛君子得

時也

仕之時也

次三柱不中梁不隆大厦微

三稱柱厦屋也屋之須柱梁猶

治之須宰相也柱不固故屋微宰相不賢則國危也

測曰柱不中不能正基也

任所



非人故  
基墮也

次四爻聰爻明左右橿橿

四在其行行數相扶故稱聰明也橿橿盛

也四見扶進自彊  
不息故左右盛也

測曰爻聰爻明庶士方來也

為臣聰明故衆

士來也

次五君子彊梁以德小人彊梁以力

五君位也故稱君子家性

為彊故以德也  
其力是故彊德以遠小人也

測曰小人彊梁得位益

尤也

小人得之益其過也

次六克我彊梁于天無疆

我謂六也六為金子故相

保持頗能彊梁為土所克我也  
見克思過故受天福無疆界也

測曰克我彊梁大美無

基也

不善則改故無基也

次七金剛肉柔血流于田

金以論刑肉以論人也行

屬於金今火鑠之行世相克若人相刑也  
柔以諭陰陽火之位處六之上亦為田故順于田也  
測

曰金剛肉柔法太傷也

火克金行故太傷也

次八彊其衰勉其弱

八木也為金所克故衰也家性為彊故彊於衰之中而自勉過但當小弱故曰勉弱也

測曰彊其

衰勉自彊也

自彊於興衰也

上九太山拔梁柱折其人顛且蹶

九為上山故稱太也梁柱皆折輔佐微也君子之道以儒得民家性為彊而輔佐不周故顛蹶也

測曰

山拔梁折終以猛也

九為金故剛猛也終以彊猛致於傾亡也

三三 一 部 一 家 一 睽

二方二州地玄陽家一水下亦象乾卦

陽氣初睽清明物咸重

光保厥昭陽

行屬於水謂之睽者言是時陽純初睽清明其光萬物昭著保安於陽純睽其道故

謂之睽睽之初一日入井宿十一度

初一睽于內清無穢

此水行也一亦為水而家性純

眸二水重清故無穢也在初為內也測曰眸于內清無穢也重清居之次

二冥駁冒眸眇于中眇慙也駁不純也水上之火故不純也家性純眇而二冥冒不純其

德在於下中故慙也測曰冥駁冒眸中自應也應隱也慙也次三

目上于天耳下于淵恭目為二也耳為一也火性炎上故曰上天也三為進人在純眸

之世恭敬時宣耳目所耀聰明其事故上下徧也測曰目上耳下聰察極也上

耳目故次四小人慕眸失祿貞四者金水之母也母子之愚故相慕也言失祿

者家性為眸而不純密內相親慕故失祿也雖失而正故貞也測曰小人慕眸道不得

也失祿不得也次五眸于幽黃元貞無方五為君位處中為黃黃中通理君之

美也居水之行土克於水故幽黃也中央  
之位純睟其德無施不可故無常方也 測曰睟于幽

黃正地則也

地色黃故乃正其法也

次六大睟承愆易

六陰也在水之行二

水并合故稱大五克於六故承愆  
也愆過之先易以成非故言易也 測曰大睟承愆小人

不克也

有愆而改非小人之所能也

次七睟辰愆君子補愆

七火也為行有

克故言辰愆純睟之性有過既改  
猶君子之行彌縫其闕故言補也 測曰睟辰愆善補過

也

君之有過則臣善補也

次八睟惡無善

八為禍中而純於惡故言無善也

測曰

睟惡無善終不可佐也

無善之人何可佐也

上九睟終永初貞

九金

也水之母母為睟終長於  
其正純睟之道故貞也

測曰睟終之貞誠可嘉也

永守

正道故  
可嘉也

三三

二方二州  
一部二家

盛

下中象大有卦

陽氣隆盛充塞物冥然

盡滿厥意

行屬於火謂之盛者小滿氣終於此首之初  
一芒種節起於此首之次二謂是時陽氣隆

盛充滿於天地之間故萬物孕姪冥冥然滿  
其意故謂之盛盛之初一日入井宿十六度初一盛不

墨失冥德

墨謙也冥玄也家性為盛陰家之陽故  
不墨也盛而不墨故失玄冥之德也

測曰

盛不墨中不自克也

不自克損  
故失德也

次二作不恃克大有

火以

居火炎熾盛盛而不恃須  
時而行故可以大有萬物也

測曰作不恃稱玄德也

大

萬物故得  
玄妙也

次三懷利滿旬不利于公

木為火母母而懷  
利明為私事故不

利於公也  
**測曰懷利滿勾營私門也**  
不利於公故  
**次四小盛**

**臣臣大人之門**  
四為公侯位次於五故小盛也當上臣五恐見克害重自思慮故曰臣臣王公

大人四亦為門故  
**測曰小盛臣臣事仁賢也**  
重臣奉五言大人之門也故賢之也

**次五何福滿肩提禍揮揮**  
五為天子而在盛世世盛道治君德至明故何福也提持

也揮揮然敬也何福持禍而自儆戒無所失也  
**測曰何福提禍小人之道也**  
在五

陰首福禍混令故  
**次六天錫之光大開之疆于謙有慶**  
曰小人之道也

六為宗廟故天錫也奉之以禮而在盛世故  
**測曰天錫**  
大開其疆無限極也謙以致福故有慶矣

**之光謙大有也**  
謙尊而光故大有也  
**次七乘火寒泉至**  
火至熱也泉至寒也

以火居火故曰乘火也陽極則陰生測曰乘火泉至禍

不遠也

水克於火故禍迫也

次八挹于滿熒幾後之傾

傾危也幾近也木在

火行陰家所長子盛母勞恐見熒燎故先自挹損以為後戒不戒之家後近危也

測曰挹于滿

幾危也

木火之家近於危也

上九極盛不救禍降自天

金者乾故為天天位

之終故為極在盛之家故極盛也八見七盛而知自損以為後戒九以金性而盛終必消鑠故禍降也

測

曰極盛不救天道反也

盛極則衰道反覆也

䷋

二方二州一部三家

居

地玄陽家三木下上象家人卦

陽方踰膚赫赫為物城

郭物咸得度

行屬於木謂之居者言是時陽氣踰萬物之肌膚赫然盛大包圍闕郭若城郭也故

萬物之生皆得其數度而安其居故謂之居居之初一日入井宿二十一度

初一匪譽匪咎

克守厥家

一為下人居首之始水性玄墨故不求聲譽以繼咎悔故能保家居正而已也

測曰

匪譽匪咎其道常也

無咎無譽得道之常也

次二家無壺婦承之

姑或洗之塗

二木子也而陰者非女則婦壺禮也居家無禮婦尚姑事上偕丈夫猶見洗濯而以

塗也測曰家無壺無以相承也

無禮之家婦不承順於姑也

次三長幼

序序子克父

三為進人家道以禮長幼有序以木居木故曰序序也克能也子能興父事有似陽

烏與太玄也

測曰子克父乃能有興也

子能事父故有所興致也次四見

豕在堂狗繫之迹

四金也戌為狗六為豕亦為宗廟故見豕在堂也迹迹也狗繫豕迹居家



之道也

測曰見豕在堂其體不慶也

慶者不以畜牲為喜也

次五舳

臚調安利富貞

五為天位居中制遠前後相承故以舳臚諭也土在木行為木之財故利富之

正測曰舳舳安和順其疆也

調安百姓在境界也

次六外其井竈

三歲見背

三終也六為水故稱井井竈以諭祿食也宗廟之道酒食為先故今而見外故言三歲背

也測曰外其井竈三歲不享也

井竈見外故不享祭也

次七老夫

擯車少女提壺利考家

七木之子也以八為父五為車八引於五故曰擯車也考成也

壺禮也七為仲女八位過老而得仲敬故謂之少有禮之女以成家事故利考家也

測曰考父擯

車其體乃莊也

利於少女故自嚴莊以戒慎也

次八反其几雙其牝几

家不吝

八為老父故用几今而反之非所以養老也牝牲也音美也今而雙等故家不美也

測曰

反几雙牝家用不臧也

老而不養故不善也

上九株生蘖其種不

絕

金生木行木為金財道終數訖有財不用故木復生也窮上反下家道以興故種不絕也

測曰株

生蘖其類乃長也

株而生蘖故長也

三

二方二州

法

地玄陰家四金中下象井卦

陽高縣厥法物仰其墨

莫不被則

行屬於金謂之法者言是時陽氣上在九天之上洞下重淵之內陰當上而微伏陽亦升

而造在天之上故言高懸物由之而生故仰其墨墨謂繩墨也動以法則故謂之法法之初一日入井宿三十

度初一造法不法

一則金子子母之道禮法為先故言造法法者以法不法也水以平施純

陽積形法  
不可踰也

測曰造法不法不足用也

化之以禮不足大用法也

次二

摹法以中克

摹索取也克勝也索法以中故可勝任也

測曰摹法以中衆之

所共也

縣法於上衆人所共奉而行也

次三準繩不甫亡其規矩

矩

方物規以正圜甫始也準繩失始故法度亡也

測曰準繩不甫其用爽也

不奉於法

有差貳也

次四準繩規矩莫違我施

正準在上下不敢違規矩法度君之所施臣而

奉之故言莫違也

測曰準繩規矩由身行也

善事不違於上也

次五繡

陸陸餅窶腹井潢洋終不得食

五為天位施法於中五土六水故以井諭繡以

行餅陸窶滿也餅腹滿溢故潢洋也

測曰餅窶腹非學

方也

方道也君臣相奉非可學之以道也

次六于紀于綱示以貞光

臣正於下

君明於上君臣道正故綱紀正也

測曰于紀于綱大統明也

綱紀一統御明也

次七密網離于淵不利于鱗

七為網六為淵網離于淵鱗物所害猶苛法於世百

姓之疾也

測曰密網離淵苛法張也

密於時網且張於上也

次八正彼

有辜格我無邪

格至也我我百姓也彼謂九也九克於八雖在法家位次當進無邪曲也

測

曰正彼有辜毆而至也

毆除以正至於九也

上九井無幹水直衍

匪谿匪谷終于愆

衍達也愆過也九金也金生於水井之象也幹以檢扞於井泄取有時八

者木也當謂井幹金克於木故無幹無幹故直衍也無幹之井故以谿谷諭也

測曰井無幹法

妄恣也

妄亂也無幹之井妄自恣也

三三二部二家應

地玄陽家五土中中象離卦

陽氣極于上陰信萌乎

下上下下相應

行屬於土謂之應者芒種節終於此首次四夏至起於此首次五斗指午蕤賓用

事陽極陰生上下相應故謂之應應之初一日入井宿二十九度

初一六幹羅如五枝

離如

羅布也如辭也離附麗也一為水幹以諭君枝以諭臣水出於泉而流百川布施於上枝離而著之

如臣之附君如水之趨川也

測曰幹羅如附離君也

下之奉上相附之道

次二

上歷施之下律和之非則否

否不通也二為離離為文明故以歷律言之也家性

為應天正之中故上下相應也歷以紀歲律以和聲施於百姓奉以成務其非法者則不通也 測曰上

施下和匪其肯也

律歷所施雖或非肯皆從化也

次三一從一橫天網

覆覆

覆覆廣大也南北為經東西為緯故從橫也緯終天地羅網廣大故覆覆也

測曰一從

一橫經緯陳也

天地為文揚于王庭布流於天下也

次四援我累罟絀羅

于野至

我我萬民也四為公侯以正義治百姓而嚴刑法百姓不犯之也衆由禽獸絀網故言于野至

也測曰援我累罟不能以仁也

施網為害故不仁也

次五龍翰于

天貞栗其鱗

五為天位故以龍諭貞正也栗危也翰高也處尊之位正其道實以應天時居上戒

危故貞栗也鱗甲正定無犯非義故翰于天也

測曰龍翰之栗極懼墜也

過五無民

故懼墜矣

次六熾承于天冰萌于地

熾盛也水陰也水危於上故盛也水氣升上陰

動地下陰盛陽衰故陰萌生地故言于地也

測曰承天萌地陽始退也

陰當上升

故陽退也

次七日彊其衰應蕃貞

應當也蕃盛也七為失志過盛則衰年高失志而日

自彊政衰委賢故曰蕃正也

測曰日彊其衰惡敗類也

惡以不賢敗其類也

次

八極陽徵陰不移日而應

極陽則陰極陰則陽如相召也不移日者陰陽之道陽微

則陰極陰陽有來往不復移日須有召者而應之也

測曰極陽徵陰應其發也

不召

而至故應其時而自發矣

上九元離之極君子應以大稷

稷側也九為陽極元

大也九在應家而為之終其道大極傾側自危不安其位金剛陽訖不能治陰陰當上升委祿任賢有似堯老

舜也

測曰元離之極不可遏止也

陰當上升乃不可上也

太玄經卷三



欽定四庫全書

太玄經卷四

漢揚雄撰

晉范望注

從迎至昆第四



二方二州三部三家

迎地玄陰家六水中上象咸卦

陰氣成形乎下物咸遯

而迎之

行屬於水謂之迎者言是時陰在物初六姤卦用事日以消陽形成於三陰息物衰向而迎之

故謂之迎迎之初一日入鬼宿一度

初一迎他匪無貞有邪

五為君他為二也二者火

也一為水水在水行近欲迎二火水相克故不應也五位不正故曰無貞也

測曰迎他匪應

非所與并也

水火相害不可相并也

次二蛟潛於淵陵卵化之

為二

甲蛟龍類也二在水下故曰蛟潛蛟潛於水產卵高陵下復於淵家性為迎氣應相感然後剖化猶君臣父子

以道相感精迎誠致不言而動也

人或陰言百姓和之

人為五也陰首所抑故稱陰也

位尊令行故百姓和之有大舜幽耕于野言加二妃天民乃至也

測曰蛟潛之化中精

誠也

中誠所感化大行也

次三精微往來妖先靈覺

三木也水之所生精誠微

感不言而至子母之恩靈神也神之所感妙物為言事之妖祥神所先覺信以攘災此之謂也

測曰精

微往來妖咎徵也

咎徵雖見信攘之也

次四裳有衣襦男子目珠

婦人啖鉤貞

四金也水之母金子相養猶衣裳相扶也水中之金故為珠金而陰曲鉤之象也四

為少女金剛稱男男女女之道不有私議今而相目有珠  
鈎之資非所以遠嫌也衣裳有制珠鈎有度雖不相交  
錯不失其  
正故貞也  
測曰裳有衣襦陰感陽也  
感以珠鈎相  
次五

黃乘否貞

五天位也在中為黃乘乘四也六陰在上  
四親乘之金不合化故否以陽乘陰貞也  
測

曰黃乘否貞不可與朋也

君道尊貴不可與  
為朋友之交也

次六玄黃

相迎其意感感

六為宗廟天玄地黃天地相迎則風雨  
時調君臣相迎則政教以度天地相感

故重  
感也

測曰玄黃相迎以類應也

玄黃五色  
推類求也

次七遠之昭

近之梧迎父迓迨

迨迨迨迨解脫之貌也詩云見此迨  
迨此之謂也七為六父六水七火火

近於水水則焦遠於水火則炎熾熾怒故有梧擊之言  
而在迎家故相奉迎解脫之意以相化導如父子也

測曰遠眤近梧失父類也

類法也水性曲直而七炎上故失其法則也

次八

見血入門擁迎中廷

八為門血以諭憂擁得血則憂得賢則解家性為迎故迎賢者近於

中廷以解憂也

測曰見血入門以賢自衛也

恐九克之故以七自衛助也

上

九濕迎牀足罌于牆屋

九金也在內稱為牀親迎內出故稱

足也罌覆也牆屋諭尊以卑覆尊以貴下賤有似初婚夫下婦也

測曰濕迎牀足願在

內也

親迎所願當內出也

三

三方二州一部一家

遇 地玄陽家七火上下象姤卦

陰氣始來陽氣始往往

來相逢

行屬於火謂之遇者謂此時微陰初起與陽相逢以貴下賤有似初婚夫下婦也故謂之遇遇

之初一日入柳宿一度 初一幽遇神及師夢貞一稱幽幽思也不見

故遇神也師衆也憂思神道若夢見之見稱神幽而不見 測曰幽遇神思

故及夢師也貞正也夢不違道故貞也 測曰幽遇神思

得理也雖夢猶正故得其理也 次二衝衝兒遇不受定之諭二火

在其上為水作父然水克火火不制水猶衝衝之兒不受父訓故言不之諭也不之諭不可教諭也 測曰

衝衝兒遇不肖子也不可教訓 次三不往來不求得士

女之貞三為進人進德脩業在於遇世故不往來無求於時亦木之性處深則大而上度之以為器物

猶君夫之求貞良以為臣妾臣妾無求君夫之義故士女之貞也 測曰不往不求士女

則也不二其德是其法則也 次四個個允人遇雨厲四金也為火所克故個個

也兌為巫在於火世火盛金衰故遇雨而個個非誠心也 測曰兌人遇雨還自賊也

雨則滯濕賊於巫者也

次五田遇禽人莫之禁

五為土在火之行火行土上田之象

也田而遇禽何禁之有猶士遇知已而得天祿無禁止也

測曰田遇禽誠可勉也

自可

勸勉不倦怠也

次六俾蛛罔罔遇螽利雖大不得從

俾使也六為蟄故稱

蛛蛛蛭蛛也使蛭蛛設罔而得於螽螽螽蟄蟲也所以不能制雖以為利不得從而取也

測曰蛛之

罔害不遠也

得螽失取雖失其利害不遠也

次七振其角君父遇辱匪

正命

八為七父七者火而過於木炎上上火父母之道匪命不前火性炎上上迫其木焚燎枝故遇辱

也角以害人既害且危故匪正命也

測曰振其角直道行也

無有正命故直其利害不

遠次八兩兕鬬一角亡不勝喪

八為龍九為虎龍虎者獸之貴者也

當養其牙角而已今而合鬬故稱兕也金克於木故龍亡角終見克害故不勝而喪也

測曰兩兕

鬬亡角喪也

爭其非道故喪亡也

上九觝其角遇下毀足

九金也克害於

八故觝其角也家性為遇足謂八也在下稱足不勝而喪故毀足也

測曰觝其角何可當

也  
角折足毀故不可當也

䷧ 二方二州 ䷧ 三部二家 竈

地玄陰家八木上中象鼎卦

陰雖沃而灑之陽猶執

而觝之

行屬於木謂之竈者夏至氣終此首次七小暑節起於此首次八陰陽之氣更相沃灑化銍若

竈故謂之竈竈初一日入柳宿六度

初一竈無實乞于鄰

陽為實陰為虛一水也水是竈

中之用陽當消退故曰無實家性為竈以  
烹飪生物共於聚盛今無實故乞於鄰也 測曰竈無實

有虛名也

無實於事故有虛名也

次二黃鼎介其中裔不飲不食

孚無害

二火色黃白介大也裔餘也孚信也火木會合

踰時而不敗饗以薦至尊故無害也福施於下故中有餘也

測曰黃鼎介中廉貞也

不敢饗食故曰無也

次三竈無薪黃金瀕

三為薪言無者有材不用也竈不用薪猶國不

用祿以養賢也薪而不用釜曷虛廢故生土穢在瀕渚也

測曰竈無薪有不用也

言有

賢不 用也 次四曷實之食得其勞力

陰稱小亦為釜土上之釜釜而小者知為曷也

四為公侯在竈之世方進鼎足故先在曷和齊五味賞不失勞故言得其勞力也

測曰曷實之



食時我奉也

我為五味以奉祿秩賢臣也

次五鼎大可觴不齊不莊

五為天子故稱大鼎古者天子世孝天瑞之鼎諸侯世孝天子鑄鼎以錫之五據尊位得奉鼎觴賜其國則宜齊莊以奉天祿今不齊莊恐失之也

測曰鼎大可觴饗無意也

受祿不敬故無意也

次六五味餼調如美如大人之饗

六為宗廟又為大水家性為寗志則為用

故有釜鼎調齊之言五味得當則孝子所以事宗廟

測曰味餼之饗宰輔事也

由祿

君出以宴羣臣宰輔之善事也

次七脂牛正肪不濯釜而烹則歐歔之

疾至

七為火所以成熟牲體今以脂肪之肉必當深濯釜鼎以煮滌之今而不為故生疾也七為暇歐歔

吐逆之聲也不濯不清故致疾也

測曰脂牛歐歔不絜志也

器不洗濯不絜清也

次八食其委雖噉不毀

噉不正之聲也食人之難道合則輔之不合則去

不宜見其不正而不爭也

測曰食其委蒙厥德也

爭以正君故蒙其福也

上九

竈滅其火唯家之禍

九金也九生水家性為竈竈須火者而中有水故自滅其火也火而

自滅妖怪不祥家之禍也國亦須賢者賢而自滅亦國之禍也滅賢謂若紂殺比干之類也

測曰竈

滅其火國之賊也

言賊賢也



二方二州三部三家大

地玄陽家九金上上象豐卦

陰虛其內陽逢其外物

與盤蓋

行屬於金謂之大者謂是時陽氣在上將虛鬱而退陰在其內逢迎而上萬物敷布盤桓茂盛

若車之蓋故謂之大大初一日入柳宿十度

初一淵潢洋包無方冥

一水也故稱淵

此金世金生水子母共位故潢洋也深大之測曰淵潢

洋資裹無方也

所包者廣故無方也

次二大其慮躬自鑣

二為平人不隱

不仕故大其慮也鑣以治邪躬身也自治其身以待升  
舉今而陽消陰息惟身未升階故大守思慮脩身而已  
陰為思陰常侵陽也測曰大其慮為思所傷也

故為所思傷也

次三大不

大利以成大

三木也而在金行恐見消克雖在大家不敢自矜常自謙約故成其大也

測曰

大不大以小作基也

謙以致光故以小作基也

次四大其門郊不得

其刀鳴虛

金性剛強而在大家故自夸張大其門郊者也刀為金利徒自夸大不守以謙故不得其

利也有其虛名故稱鳴不守以實故虛也

測曰大其門郊實去名來也

無實有名

失道義也次五包荒以中克五君位也包有四荒故曰包荒

之所臨亦由是也克能也包有測曰包荒以中督九夷

四荒故能治天下之民事也也謂四荒之外也次六大失小多失少六水也水之所失在於

起者測曰大失小禍由微也從微細而次七大奢起之也自

削以觚或益之觚法也鋪賜也此本金行七者火也鋪火盛金衰故不宜自大奢自

自削小垂於法度測曰奢自削能自非也自削能自削小

故有益之賜也次八豐牆峭趾三歲不築崩豐大也峭峻也趾足也謂

不終歲加之版築故有崩墜之憂測曰豐牆之峭崩不

猶君子之道不隆其本末必危也

遲也

基趾不固故速崩也

上九大終以蔑否出天外

家性為大終於自大益以

否也荒服之外天恩不加故為天外也雖性自大終守以小故不出也

測曰大終以蔑小

為大質也

積小為大之本質也

䷍

二方三州一部一家

廓

地玄陽家一水下亦象豐卦

陰氣應而愈之陽猶恢

而廓之

行屬於水謂之廓者應猶協也愈猶合也言是時陰氣和協而合同當上而合同陽尚恢廓未

有衰損之氣故謂之廓也應愈二字皆心者故宜以和協言之也廓之初一日入柳宿十五度初一廓

之恢之不正其基

一在水行二水朋合狀若江海故恢廓也廓大之家其本宜固水性不動

故不正也測曰廓之恢之始基傾也

基而不正故危也次二金榦玉

楨廓于城

金玉者皆其美質也火不好水雖有美質恐見克害故廓于城以自固守也

測曰

金榦玉楨蕃輔正也

以城自衛猶以賢自輔也

次三廓無子室石婦

木生於水為四所克雖自廓大不能生長故無子也婦而無子陰不合也故謂之石也

測曰廓無

子焉得後生也

婦比之石故無後生也

次四恢其門戶以御寇虜

四為門二為虜家性為廓每輒恢大恐二克之故大測其門戶以義為固四為兵甲門戶有之故用御衛也

曰恢其門戶大經營也

廣恢門戶自經營也

次五天門大開恢堂

之階或生之差

五為天子故稱天門見在其位故曰恢堂也差過差也登階上堂據有四方非

聖不立故過差之行或可生也

測曰天門大開德不能滿堂也

恢堂至高唯德

能居也 次六維豐維崇百辟馮伊德攸興六為宗廟故為豐也神靈

高遠故維崇也辟君也馮依也伊猶是也宗廟維敬以禮奉神故百辟卿士莫不依歸是德之所興也 測

曰維豐維崇茲太平也此太平之道也 次七外大扝其中失君

子至野小人入室水克於火火盛水消故外扝也君子之道唯善是務今在廓家而失中

道故隱野也君子不居故小人進也 測曰外大扝中無人也無君子之人也 次八

廓其外虛其內利鼓鉦震為雷故稱鼓鉦之形象內虛外廓鉦以為節故利也 測

曰廓外虛內乃能有聞也鼓以為節聞遠之謂也 上九極廓于高

庸三歲無童高而無民極上則顛三者終也上處高庸故終歲無童僕也 測曰極廓

高庸終無所臣也

無僕故無臣也

䷗

二方三州一部二家

文

地玄陰家二火下中象渙卦

陰斂其質陽散其文

質班班萬物粲然

行屬於火謂之文者言是時陰氣斂其形質陽氣發而散之華實彪炳與

有文章故謂之文文之初一日入星宿四度

初一祿禋何縵玉貞

一為下人隱於九品

之中下而懷文章尚於素朴人莫知之自守如玉故曰玉貞也

測曰祿禋何縵文在內

也

衣繡尚縵故文在內也

次二文蔚質否

二為平人不仕不隱故文蔚也文蔚守質不樂

進道故否也

測曰文蔚質否不能俱晬也

文質不同故不純晬也

次三

大文彌樸孚似不足

木故稱樸樸而質素故似不文也言似者非不足故稱大文也

測



曰大文彌樸質有餘也

文如不足故有餘質也

次四斐如邠如虎

豹文如匪天之享否

家性為文四西方也故稱虎豹虎豹獸類也虎豹之獸以其文貴斐

邠者文盛貌也雖其文盛猶不及天文以五行也

測曰斐邠之否奚足譽也

不足

以比天文也

次五炳如彪如尚文昭如車服庸如

五處天位車服以庸

據位正炳如也順其本性彪炳有文為國之光故昭如也

測曰彪如在上天文炳也

文章負然彪炳可法也

次六鴻文無范恣于川

鴻大也范法也六為宗廟宗廟之中

禮以輔成在文之世故曰文文章與然故無法也

測曰鴻文無范恣意往也

如川

之流從所投也

次七雉之不祿而雞蓋穀

七為雉雉有文章而遠在野雞而穀食退

而錄綬違其家性也

測曰雉之不祿難幽養也

質勝大則野故養難也

次八

彫戴穀布亡于時文則亂

八木也穀善也木見彫刻為戴麗之事雖見小善傷於農

穀布故亡也苟尚文飾以階於亂故言亂也

測曰彫戴之文徒費日也

彫文刻鏤

傷農事也

上九極文密密易以黼黻

九在文家而為之終終極文飾以妨於農事故

易以黼黻黼黻祭祀之服而致美乎黼冕此之謂也

測曰極文易當以質也

祭服雖文

孝子質也



二方三州一部三家

禮

地玄陽家三木下上象履卦

陰在下而陽在上上下

正體物與有禮

行屬於木謂之禮者小暑節終於此首之次二大暑氣起於此首之次三斗指

未林鍾用事陽在上將退陰在下將進進以諭賓退以為主主下於賓賓主之義獻酬以禮故謂之禮禮之初

一日八張宿二度

初一履于跂後其祖禰

一為下人而在木行在下稱足陽道將退

故稱履足履大木故跂也二為禰三為祖一最在後故曰後其祖禰也

測曰履于跂退其

親也

不及其祖故親退也

次二目穆穆足肅肅乃貫以棘

二為目二畏於

水故穆穆也肅肅敬也家禮揖讓有度故足肅肅也棘赤心也敬由心出故以棘諭也

測曰穆穆

肅肅敬出心也

肅誠之意貫於中誠也

次三畫象成形孚無成

三為

木木為貌家性為禮禮合必以貌故以形象言之也孚信也畫以成形成信無成也

測曰畫象成

形非其真也

畫以為形故非其真也

次四孔鴈之儀利用登于階

欽定四庫全書

太玄經

十

四為毛類故稱孔鴈孔鴈鳥之知禮者也正取二鳥為諭者言其行則有義飛則有次動不失法故利登于階

也測曰孔鴈之儀可法則也

容止有度故可法則也

次五懷其違

折其七過喪錫九矢

違不正也七所以撓鼎五為天位行反克之行令不王於禮不備不

列諸侯九錫而已也

測曰懷違折七貶天祿也

貶損天祿列於諸侯也

次六

魚鱗差之乃矢施之帝用登于天

矢陳也六為宗廟宗廟之事動有禮儀差

次如鱗也不相陵越陳施以度不違於道故帝用登于天施祿及下也

測曰魚鱗差之貴

賤位也

差次若鱗故貴賤各得其位也

次七出禮不畏入畏

七為失志志失行張

多不以法家性為禮違出其表未有所畏故曰不畏出禮入刑刑以正邪故曰入畏也

測曰出禮

不畏人所棄也

人之所棄刑之所取也

次八冠戚跽履全履

八為冠一

為履工下言之上下尊卑各有其儀戚跽以諭敗也冠雖敗宜加之首履雖全宜踐之足八為疾瘵之主有君之尊故測曰戚跽明不可上也雖微而尊上九戴無首

馬用此九

九最在上故曰無首為極當顛下求於四四為人臣不能尊五進退不立故曰馬用此九

也

測曰無首之戴馬所往也

在上恐顛就四失臣無所往也

䷋

二方三州二部一家逃地玄陰家四金

陰氣章彊陽氣潛退萬

物將亡

行屬於金謂之逃者言是時陽氣當退而未訖陰氣當上而未騰猶與陽為難故章彊彊梁傷

敗之貌也陰陽之氣更相避逃故謂之逃逃之初一日入張宿六度

初一逃水之夷滅其

創迹

夷平也一為水水之平施小危則動物逃於水水合於物不可迹求故曰滅其迹也

測曰逃

水之夷跡不創也

水之滅跡無創痕也

次二心惕惕足金鳥不志

溝壑

二為心亦為平人而家性為逃居金之行反克其本故其執心常惕懼足金於為無隱逸之志故不

志溝壑也

測曰心惕惕義不將也

平人不隱不仕故無義不行也

次三兢其

股鞭其馬寇望其戶逃利

三震也震為馬兢動也望責也四為三寇家性為逃見寇

在前故鞭馬而去之也雖望其戶見而不入逃家之利故言逃利也

測曰兢股鞭馬近有

見也

觀望其戶故有見也

次四喬木維樅飛鳥過之或降

上捺稱樅上捺

之木鳥所不集故過之而去君自尊高衆士亦望之而去也

測曰喬木之鳥欲止則

降也

非思所好故從意也

次五見鷩踣于林獼入于淵征

此二物者時之

候也五為天位征行有時是以鳥隼擊而蔚羅張獼祭魚而後漁豺祭獸而後田各須其候君乃征行蒐狩以

時不到胎卯也

測曰見鷩及獼深居逃凶也

時候未至君處重門之中故逃凶也

次六多田不婁費我腠功

六為宗廟征行須時以奉神靈執食為腠征田多獲歸之

於宗廟賞不失勞故曰腠功也

測曰多田不婁費力忘功也

田不獲牲故費功也

次七見于纍後乃克飛

累索也克能也火性燥揚故以飛言之七為系繳故為索也見

索在前飛能避之故曰克飛也

測曰見于纍幾不足高也

常見拘纍故不足高也

次八頸加于矰維綯其繩

八為疾瘵故有加頸繩矰之時入為禍中綯繳也繳加於

頸非可卒除故言維也謂當思惟而逃也

測曰頸加維網無自勞也

矰之所加勞不

能去也

上九利逃蹠蹠盜德嬰城

家性為逃九為其終終始逃遁故蹠蹠也道德

者君子之所尚也九能盜之王者所賞故言嬰城道隆德盛必有城郭也

測曰盜德嬰城何

至逃也

何有逃道德也

䷋

二方三州二部二家

唐

地玄陽家五土中中亦象遯卦

陰氣茲來陽氣茲往物

且盪盪

行屬於土謂之唐者言是時陰氣日盛陽氣日損萬物損落盪盪然故謂之唐唐之初一日入

張宿十一度

初一唐于內勿作厲

在下稱內厲危也唐者盪盪無所拘限內無拘而外

無危也

測曰唐于內無執守也

盪盪之義終不見拘執也

次二唐處冥



利用東征

二為日日尚隱潛故冥也唐者盪盪之貌也大征於地無所隱蔽故唐冥也日之隱蔽必

當東出故利以東征也

測曰唐冥之利利明道也

日之東征者道之明也

次

三唐素不貞亡彼瓏玲

瓏玲金玉之聲三為木木者櫟素故亡聲也四為金金有聲音

土克於木故不貞也

測曰亡彼瓏玲非爾所也

瓏玲之聲非木所也

次四唐

無適道義之辟

辟君也四為公侯而在唐家盪盪無所適莫不尊奉道德以事其君不違於法

也測曰唐無適惟義予也

無所適莫予有義也

次五奔鹿懷颺得

不訾

鹿以諭賢颺以諭不肖懷來也賢不肖不別賢奔亡不肖者來故言不訾不得不訾毀於賢者也

測曰奔鹿懷颺奚足功也

言不足功治之也

次六唐不獨足代

天班祿

六為宗廟其世盞盞故曰不獨足下所敬奉天神報應以示百姓代天班祿以養人也

測

曰唐不獨足無私容也

代天傳命不容私意也

次七弋彼三飛明

明于征終日不歸亡

七為飛兵兵而飛者矢故弋射也陽稱三十為失志王而志失畢弋

無度故不歸也

測曰弋彼三飛適無所從也

征行無度何所從也

次八唐

收祿社鬼輟哭或得其沐

輟止也八為木而在土上條幹茂大得土之力猶土遇明

君得其榮祿也言或得其沐者取其潔清也社稷之神所以止哭哭其衰世世治故哭止也

測曰唐

收祿復亡也

先亡後復也

上九明珠彈于飛肉其得不復

明珠

重寶也飛肉輕欲也九為金故稱明珠飛肉禽鳥也珠至重鳥至輕以重求輕故不復也

測曰明珠

彈肉費不當也

費貴得賤故得不復也

䷊

三方三州一部三家

常

地玄陰家六水中上象恒卦

陰以知臣陽以知辟君

臣之道萬世不易

行屬於水謂之常者大暑氣終於此首之次五立秋節起於此首之次六

辟君也以陰陽知之故萬世不易道明常故謂之常常之初一日入張宿十五度

初一戴神墨

履靈式以一耦萬終不稷

一在水行晝夜不休潛墨如神故稱神墨也式法也萬多

一少故不可耦稷而合也

測曰戴神墨體一形也

一者道德之形體也

次二內

常微女貞厲

貞正也厲危也二為少陰故稱女言內常微者陰中之火微微不隆故言微也女能

幽微故貞貞女所在常自危懼故厲也

測曰內常微女不正也

陰道待唱不敢自正

許當次三日常其德三歲不食

日日行一度是其常也三為日出故稱日也三

為終常其德則不薄食也

測曰日常其德君道明也

如日不虧故道明也

次四

月不常或失之行

月有虧盈故不常也四為公侯工臣於五故以月論不常者行有遲疾或

進或退非臣之節故言或失之行行道也不得常道故為變異也

測曰月不常臣失行

也

月之不常為臣失也

次五其從其橫天地之常

天從地橫是其常道也五為天

位據上臨下不違陰陽之道先天而弗違各得其所也

測曰其從其橫君臣常也

天從地橫是其常也

次六得七而九懦撓其剛不克常

陽盛於七極於九陽

生於子盛於午至酉而消故極於九陰懦陽剛陰稱撓宗廟之中懦撓為先故言不克常也

測曰得

七而九奔盛乘衰也

委七乘九故不克常也

次七滔滔往來有常

衰如克承貞

滔滔往來貌也七為失志滔滔而行也王之失志故衰如也克能也能承貞者承受

善道不失於義故貞也

測曰滔滔往來以正承非也

六克於七故以六為非也

次八常疾不疾咎成不詰

八為疾瘵故常疾也常疾而不以為成者明其疾至也疾

以成咎害於身體非復可詰問之也故言咎成不詰也

測曰常疾不疾不能自治

也

疾以至咎故不能自治也

上九疾其疾巫鑿不失

九為巫亦為金金者鍼刺所用

鑿之謂也八有疾而不為疾故咎也九有疾而疾之故巫鑿而治之無所失也

測曰疾其疾能

自鑿也

苟能疾惡能自治身巫鑿不遙不失其治也



三方三州

度

地玄陽家七火上下象節卦此合在

陰

氣日躁陽氣日舍躁躁舍舍各得其度

行屬於火謂之度者言是時陰

氣躁上陽氣舍下重言躁躁舍舍者上下欲速之謂也

度初一中度獨失

水平不齊故曰中度一為法度中心不正之火之行反見消滅故獨失也

測曰度獨失不能有成也

法度而失故無所成也

次二澤不舍冥

中度

二為火地為澤澤不舍若水不舍火也處中居正故言中度度以正邪故冥也

測曰澤不

舍乃能有正也

中於法度故能有正也

次三小度差差大賴之階

木在火行母子之道差次以度故曰差差以金測曰小次之必見克害家性為度被克失度故大傾也

度之差大度傾也

故事之亂傾危也

次四榦楨利干城

金性剛彊故稱

榦楨榦楨彊則城之利也五為土城之象金則土

測曰

榦楨之利利經營也

言臣經營於君事也

次五榦不榦楨于營

為五

天位當榦舉萬機以正營壘而為火子始建母業不敢自專故曰榦榦於事故櫛于營也

測曰榦不

榦不能有寧也

寧安也營而亂櫛故無安寧也

次六大度檢檢于天示

象垂其范

六為宗廟神靈制法故大度也既檢天下亦檢己及人聖王象之故曰於天示象也示之

以象故垂其范也

測曰大度檢檢垂象貞也

貞正也為天

次七

不度規之鬼即訾之

七為盛陽六為七鬼七當以道規謀天下失志之謨故鬼訾之也

測曰不度規之明察笑也

為鬼所訾故可笑也

次八石赤不奪節

士之必

陰稱石八東方也艮亦為石石不可奪堅猶丹不可奪赤也守志如是若節士之必專也

曰石赤不奪可與有要也

執志堅固故可與有要也

上九積善之貸

十年不復

金為利大度之家積利振急貸與不足十終也賴者已倦施者無厭故其終年不得復也

測曰積善之貸不得造也

造成也不得其正事也

䷗

三方三州三部二家永地玄陰家八木上中亦象恒卦此合

陰

以武取陽以文與道可長久

行屬於木謂之永者言是時陰氣日進陽氣日退兵

陰物也故謂之武春陽生物煥有文章故謂之文文武之道無墜於地永濟於世故謂之永永之初一日入翼



宿六 初一不替不喪長子之常 五行之道水先王故稱長子替施也喪差也水

以平施一無過差之行故長子之常道也 測曰不替不喪永宗道也 宗尊也長尊道

德之 次二內懷替喪永失貞祥 火在木行從其父母可

據之盛則害母故內替差永未自改故失貞祥也 測曰內懷替喪安可久也 內

克害故不 次三永其道未得無咎 三為進德之人進德修業未得居官故言

未得也修業不倦雖未得祿其要無咎也 測曰永其道誠可保也 永進其道故可保也

次四子序不序先賓永失主 四承於五故稱子賓謂三也然見克害賓昭於四四

據存之故先賓也子序其父敬從於五主謂一也土克於水故永失也 測曰子序不序非

永方也

方猶常也永失其主故非常也

次五三綱得于中極天永厥福

五為君位君上臣下君臣父子夫婦道正故三綱得也三綱得正故為中極極中也必得其中故天長其福也

測曰三綱之永其道長也

三綱之正人道大倫故永福也

次六大永于

福反虛庭入奠冥

六為上祿故稱大也上祿之人故永福也虛庭入冥幽隱求志故奠也

測曰大永于福福反亡也

不守以約失之故亡其福也

次七老木生

蔣永以纏其所無

七火也八為老木九贊之中三少八為火死復然猶木老復生故居七言

八也八陰為老陰謂陰中之木潤澤所濡故能蔣生永相續也

測曰老木生蔣永厥體

也


枯故復生長有其身也 次八永不軌凶亡流于後

八為禍中故凶亡也亦為

老木木老則枯故不得長為軌法也不得為法故後凶也測曰永不軌其命剝也

也剪上九永終馴首永長也馴順也首始也家性為永絕也九為之終始終相順故言終其順

也測曰永終馴首長愷悌也永順於首故長樂易也

  
二方三州昆地玄陽家九金陰將離之陽尚昆之昆

道尚同行屬於金謂之昆者言是時陰氣已盛將散萬物之枝葉陽氣未去與物同昆無益無損故謂

之昆昆之初一日入翼宿十一度初一昆于黑不知白金生水一亦為水家性為昆水

性又黑故同於黑而不知白也和測曰昆于黑不可謂其光同其塵不可以自別白也

人也昆同之家不可別以人物也次二白黑菲菲三禽一角同尾二為

次定曰軍金書太玄經

朱鳥故稱禽也陽稱三南方大陽故三禽也角以諭害也角尾昆同故知不為害也菲菲離也白黑相離諭賢

愚不測曰三禽一角無害心也昆然同故無所害也次三昆于白

失不黑無除一尾三角三為進人故昆於白也黑以諭愚其明日者失於不愚故有道

則知無道則愚愚不可及昆同之世故失不愚也尾以諭濡角以諭害無除尾角則有害也測曰昆

白不黑不相親也無除此害則不得相親愛也次四鳥託巢于叢人

寄命于公三木也木在四上稱巢巢故叢也四為雞故稱鳥鳥之歸巢猶人之歸於公家也無私為

公君無私民所寄也測曰鳥託巢公無貧也均之以公故無貧也次五穀不

穀失疏數眾鰲毀玉穀祿也五為天子疏數不平也祿而不以祿於賢者故失在不平也

釐而毀玉猶積毀消金測曰穀失䟽數奚足旬也  
旬猶

雖其居高不可不慎也言不足  
**次六**昆于井市文車同軌六為水故稱井為眾

歸以信故同于市井市無二價路不拾  
**測曰**昆于井市遺家性為昆故書而同文而車同轍也

**同一倫也**  
倫正也皆  
**次七**蓋徧不覆晏雨不救七為失

濟適故蓋不覆也晏雨以諭盛  
**測曰**蓋徧不覆德不均也雨盛不救君德之不隆也

**也**  
如蓋不覆故  
**次八**昆于危難乃覆之安八木也家性

九昆以金為危難也  
**測曰**危難之安素施仁也世素均

覆愛均同故安也  
**畏於上九**昆于死弃寇遺九金也金克於木故為八寇

九也  
**也**  
家性為昆同死生之事欲

齊其志以防於難人九既素與八為寇七  
來御之八盛金衰為母報仇則遺其寇也 測曰昆于死

弃厥身也

見急無救  
故身弃也

太玄經卷四

欽定四庫全書

太玄經卷五

漢 揚雄 撰

晉 范望 注

從減至晦第五



三方一州 一減 人玄陽家一水 下下象損卦

陰氣息陽氣消陰盛陽

衰萬物以微

行屬於水謂之減者立秋氣終於昆首處暑氣起於此首之初一斗指申夷則用事

陰日己盛陽日己衰萬物減損故謂之減減之初一日入翼宿十五度

初一善減不減冥

一水也善減自損也不減者不能自損也常能自損若水之性內自淪下人不見之故冥也

測曰善

減不減常自沖也

常自沖虛故冥之也

次二心減自中以形于身

二火也亦為陰位陰中之火光而不炎故減自中也火為心形見也心而自損故見身也

測曰心減

形身困諸中也

內自困責求之中心也

次三減其儀利用光于階

三為進人必其常進故先自損損已益人故減其儀也無德不離必至於四徙四承五位當公侯故登階陞有光榮

測曰減其儀欲自禁也

自守以約禁己之非也

次四減於又

貶其位

又治也金性剛強而在陰位自減於治不重不威故貶位也

測曰減於又無

以莅衆也

居高據衆以德威民也

次五減其黃貞下承于上寧

五為

天子處於中央故稱黃也居中得正故貞必正其道為下難附故減貞也臨長四方故曰下承奉天以禮時節



和調故  
上寧也

測曰減黃貞臣道丁也

丁當也臣故於  
上故道當也

次六幽

闡積不減不施石

六為水故稱幽施祿及下故曰闡積  
家性為減減而不施故謂之石也

測曰幽闡不施澤不平也

不施如石故其  
思澤不行者也

次七減其疾

損其卹厲不至

卹憂也厲危也七火也為水所克故為  
疾也家性為減盈則損之疾除憂解所

惡者消危懼之  
難故不至也

測曰減其疾不至危也

所害以除故不  
至於危亡也

次八瀏漣漣減于生根

八木也秋木始衰瀏流也漣漣  
流垂之貌木衰而憂故不漣也

生根見減  
故益憂也

測曰瀏漣之減生根毀也

秋木衰落  
故根毀也

上九減

終利用登于西山臨于大川

九最後故減終也在西為  
金故曰西山也金生於水

故積大川者也山下有川故相臨也登山履高能自損減故利也測曰減終之登誠可

為也

減道已終履其至險以濟艱屯臨於大川以救昏墊誠可為也



三方一州陰家二火一部二家嗑下中象否卦

陰不之化陽不之施萬

物各嗑

行屬於火謂之嗑者言陽在於上陰在於下陰陽嗑閉故謂之嗑嗑之初一日入艱宿二度也

初一嗑不予丈夫婦處

一為下人而在嗑者陽不之施故婦處也

測曰嗑不

予人所違也

志不丈夫故人違之也

次二嗑于血資乾骨

血以論濡二火

也故乾陰中之陽故稱骨家性為嗑故無濡潤之所施也

測曰嗑于血曜自肥也

省

而自次三貌不交喙凝嗑無辭

二者陰家之陽而在嗑世故朴素也貌無容飾

不能交人喙嚙  
有聲而無辭也

測曰貌不交人道微也

不能交人  
故微漏也

次四

喙其穀不振不俗累老及族

四為公侯而在喙家祿不  
施賜又不振救族類之老

順俗垂亘  
故為累也

測曰喙其穀不得相希也

世之喙閉故不  
得相希也

次

五不中不督腐蠹之嗇

五為天位陰家之陽故不中不  
督也賦斂不中故稼腐也

測曰不中不督其喙非也

喙而不  
故為非也

次六泉源洋洋喙

于丘園

六水也故為泉源洋洋大水之貌也丘  
園以諭高也水性就下故喙於高也

測曰泉

源之喙不可譏也

所施唯謙人  
何譏之也

次七喙于體黃肉毀

體謂

綴體相連若子孫也七為失志失志無  
道喙於親親內不相附故骨肉毀也

測曰喙于體骨

肉傷也

九族不睦故傷也

次八嗟遇禍禱以牛解

八為過中以五為牛木剋

於土故為禍也牛以解禍庶獲其福家性嗟嗇在六不施八六子也故遇其禍也

測曰嗟遇禍

大費當也

牛為大費請禱蒙福故當也

上九嗟不雨孚乾脯

九金也金生水

家性為嗟嗟而不施故不雨也孚信也嗟而不雨信當枯槁無潤施民如脯之乾無恩澤也

測曰嗟

不雨何可望也

嗟無潤故無可希望也

䷌

三方一州

守 人玄陽家三木

陰守戶陽守門物莫相

干

行屬於木謂之守者言二氣相對上下否隔各守其位故謂之守守之初一日入軫宿六度

初一

閉朋牖守元有

閉塞也朋黨類也牖戶牖也元者善之長也有其身而閉黨類守其身之善者

則守家之道也

測曰閉朋牖善持有也

守一不移持

次二迷自

守不如一之有

二陰位也亦為目目在陰中故迷也迷而自守太行不正故不如一身修善

諭持正業也

測曰迷自守中無所以也

以用也不先自守故無所用也

次三

無喪無得往來默默

三為進人當進德脩業以及於時家性為守故能檢身不求於人無

喪無得無咎無譽常自循守故默默也

測曰無喪無得守厥故也

默而自守故守

其故也次四象艮有守

四於戌為狗象似也艮難也似能難人者若弱狗也有狗之名而不

能御故言似也

測曰象艮之守廉無悃也

廉察而已不悃有之

次五守中

以和要侯貞

五為天子守中和之道以有其國諸侯之正主也故貞以道正國國人所歸雖處要

荒莫不畢至  
故曰要侯也

測曰守中以和侯之素也

侯君也居中以正君之素所修

也

次六車案軻圭璧塵

六為上祿下之所奉車而案軻不通神靈不來不往告祭不時

故圭璧塵也

測曰車案軻不接鄰也

祚不遠被無所接及也

次七羣陽

不守男子之貞

七為陽世皆陽故稱羣也為六所克故不守身求二三是其世因三問二所

介者遠在守之世自脩而已故男子之正也

測曰羣陽之守守貞信也

守正無欲

故貞也次八曰無杵其碓舉天陰不雨白曰毀暑

八木也故有白

杵之事亦陰陽之道也天不施雨草木枯槁故毀暑也

測曰白無杵其守貧也

碓舉

不用故貧也

上九與茶有守辭于盧首不殆

茶白也盧黑也九西方故白守

以類相求故辭黑首也守道之家四方無虞  
安民得人不用旅力故白首之人並列位也  
測曰與茶

有守故愈新也

老見任日  
以新也

三

三方一州  
二部一家

翕

人玄陰家四金  
中下象巽卦

陰來逆變陽往順化物

退降集

行屬於金謂之翕者處暑氣終於此首之次二  
白露節起於此首之次三陰上為逆陽下為順

萬物日衰故曰退也降集自斂也故  
謂之翕翕之初一日入軫宿十一度

初一狂衝于冥翕

其志

翕順也水性流行無內不入故稱狂衝初發自源  
蒙蒙然故謂之冥波蕩順志不拘於法水之性故

言順其  
志也

雖欲逍遙天不之茲

水之流行是天之性雖欲  
逍遙天之不順故曰天不

之茲茲此也言  
不令如此也

測曰狂衝于冥天未與也

水宜流行天  
未與之逍遙

也者次二翕冥中射貞

二為平人不隱不仕故曰翕順也中中心也順具中心自近愈遠

不違正道故貞家性翕順每自順從冥也

測曰翕冥中正予也

予我也我謂二也言二正

處中正也次三翕食噉噉

三為進人順意欲上祿食於四噉噉食疾之貌也疾欲仕進違於推

讓故噉噉也

測曰翕食噉噉利如舞也

所利不方故如舞也

次四翕其

羽利用舉

羽朋友之用善稱相翼之謂也五為土土生金親近於五常見舉用故利也朋友相翼進

在祿位有似叔牙之相管仲也

測曰翕其羽朋友助也

朋友者朋友相助之謂也朋友相衛

是其力次五翕其腹辟金穀

五為大位而在翕家翕斂順志故其口腹無施祿之

意金穀辟藏專足於己故翕其腹也

測曰翕其腹非所以舉也

自翕以欲故作貞舉



之君次六黃心鴻翼翕于天六為五心五處中色黃故也黃心也位尊心正所在必

賢故鴻翼也臣賢君明下順於上故翕天也測曰黃心鴻翼利得輔也鴻翼之正

臣相輔次七翕繳惻惻七為繩為射射用繩者繳之謂也七為失志又為飛鳥鳥而失

志故高飛飛而過繳欲去不得故惻惻也惻痛心也測曰翕繳惻惻被離害也飛

過繳故離害也次八揮其羈絕其羈殆七為罔罔而在八前故有羈羈之難八為青龍

龍過罔罔必免其害故絕羈也羈絕羈敗所續不禁故有殆也揮而去之何侯之有也測曰揮羈

絕羈危得遂也羅罔而去得遂龍之志矣上九揮其角維用抵族九為

兵為極禍抵擊也金稱角諭刺害致禍揮而去之故擊其族類也測曰揮其角殄厥類

也  
殄絕其族類也

☳ 三 方一州聚 人玄陽家五土 陰氣收聚陽不禁禦物

相宗聚 行屬於土謂之聚者言陰盛陽衰萬物衰落陰氣收取而崇聚之故謂之聚聚之初一日入軫

宿十 初一鬼神以無靈 一最在下故稱鬼神神視之無五度 初一鬼神以無靈 形故言無如無所見故靈也謂

無形而 測曰鬼神無靈形不見也 形之不見故鬼神也 次二燕聚

嘻嘻 二為平人不隱不仕平於世間家性為 測曰燕聚 聚故相收會燕飲嘻嘻取樂而已也

嘻嘻樂淫衍也 樂而無節 次三宗其高年羣鬼之門 三 故淫衍也

門宗尊也高年可高而宗也鬼歸也進德 測曰宗其高 之人修業及時當為王臣故羣歸其門也

年鬼待敬也

賢者所歸故待之以敬也

次四牽羊示于叢社執圭信

辟其左股野

家性為聚三木也木聚故稱叢五土而封聚故謂之社三亦為震震為股四為羊五

為天位四為公侯公侯執羔故牽羊也社稷之臣故言叢社也圭以為信亦股肱之臣也股肱左辟故股野也

測曰牽羊于叢不足勞也

奉羔進君非勞苦之事也

次五鼎血之猶

九宗之好乃後有孚

孚信也猶臭草也五為天子故有鼎俎血食之祭九宗羣會燕好肅

敬不違於道然後相誓以忠信也

測曰鼎血之猶信王命也

天王之命以信為本

也次六畏其鬼尊其禮狂作昧淫亡

亡無也昧迷也淫為淫祀也不正稱

狂六為宗廟郊祀天地告事於廟敬鬼神而遠之故迷淫亡也

測曰畏鬼之狂過其正

也畏敬鬼神大道之正也

次七竦萃于丘冢

七謂下山山而下者丘冢象也火在水上

故竦火性炎上

測曰竦萃丘冢禮不廢也

恒自竦懼不廢禮也

次

八鵠鵠在林喙彼衆禽

八為林七為鳥鳥言喙怒故鵠鵠也鵠鵠賊鳥所在衆禽所避

賊人所在衆賢亦所惡故喙也

測曰鵠鵠在林衆所喙也

善惡相害故衆怒也

上

九垂涕纍臯聚家之橐

金生水也九最處高故稱臯臯中之水而從高落故涕垂也家

性為聚纍者類也朋類相追纍然相連也

測曰垂涕纍臯時命絕也

位終涕垂絕命

也之象



三方一州積人玄陰家六水陰將大閉陽尚小開山

川數澤萬物攸歸

行屬於水謂之積者言是時陰氣盛上陽氣尚微見山川林澤物之所歸

積聚其中故謂之積積之初一日入角宿三度

初一冥積否作明基

一北也故稱冥否不

善也謂秋物衰也萬物衰落故言不善積衰落之物以備明歲故作明基言為明年之基業也測曰冥

積否在惡也

所積不善故在惡也

次二積不用而至于大用君子

介心

二為心陰家之陰故稱君子積善之家雖不見用積善餘慶終於大用也介大也雖不見用君子猶

大其心志以俟時也

測曰積不用不可規度也

大人之心不可度知也

次三

積石不食費其勞力

石為四也在三之上故為積石故曰不食故費力也

測曰積

石不食無可獲也

雖積非飭故無獲也

次四君子積善至于車耳

陰家之陰故稱君子家性為積積善善益積惡惡聚四者陰位而在陰家故積善也積善成名故車生耳也

測曰君子積善至于蕃也

蕃車耳也車服有章以顯賢也

次五藏不滿

盜不羸

五為君位雖在積家陽道不足故不滿也積善多福故不致盜也

測曰藏滿盜

羸還自損也

多藏必厚亡損己之謂也

次六大滿碩施得人無亢

六為

大水水滿則盈故傾施也施祿及下故得人無亢言得天下之人無與亢對也

測曰大滿碩施

人所來也

言來致於人也

次七魁而顏而玉帛班而決欲取寇

魁藏也顏見也玉帛者決以其欲而果決致寇也

測曰魁而顏而盜之招也

多藏

厚亡欲招盜也

次八積善辰禍維先之罪

八木也木到秋蓬嚴霜為之作禍非己之

罪也此乃火爨金故也金到秋而治於木者  
木乃為火高祖父故致此禍非己之罪也  
測曰積善

辰禍非己辜也

罪由先人故非己之辜也

上九小人積非至于苗裔

玄孫之後稱苗裔陰家之陽故言小人夫積善之家必  
有餘慶九而積非先克於木故木克土土則金玄孫也  
惡之大者乃至苗裔之家况於土也

測曰小人積非禍所斁也

積非之人禍所委也



三方一州三部一家 飾人玄陽家七火

陰白陽黑分行其職出

入有飾

行屬於火謂之飾者白露節終於此首之次五  
秋分氣起於此首之次六斗指酉南呂用事陰

升於西故言白陽退於北故言黑陰陽分職所主  
白黑相襲故謂之飾飾之初一日入角宿七度

初一

言不言不以言

一陽家之陽故稱君子君子之道  
非法不言以道自飾不虛文也

測曰

言不言默而信也

非法不言故默而信也

次二無質飾先文後失

服

二陽家之陰小人道也無質而飾文以取容故失服也

測曰無質先文失貞也

無貞而飾故失貞也

次三吐黃箇古柑黃聿利見哲人

哲人謂五也黃中也

古言也聿述也三為進人而在火行火燥而進當上於四四為公侯之位吐出中言柑盡道述以奉於五故利

見

測曰古聿之利利見知人也

因四奉五利見智德之人

次四利口

哇哇商人之貞

四為利口哇哇展轉之貌也貞正也夫人不不言言必有中口舌展轉不可反覆

此蓋商賈之正也

測曰哇哇之貞利于商也

哇哇之言商人之利也

次五

下言如水實以天北

五為天子水善下人故其下言赴下如水所以獲尊位實如天子以



北守之故  
曰北也

測曰下言之水能自沖也能自虛沖故次六

言無追如抑亦飛如大人震風

如抑皆辭也六為上祿施祿乎民賞慶刑威言

不可追言出如飛發  
動震衆故震風也

測曰言無追如抑亦揚也

福之抑揚實難

也知次七不丁言時微于辭見上疑

丁當也七為失志之主不可正諫故不當

言時事也微辭依違以見  
於上與上自疑反正道也

測曰不丁言時何可章也

風切

而已不可  
章灼也

次八蛸鳴喁喁血出其口

蛸蟬也恒託於木其鳴也則血出其

口不鳴則喁喁然家性為飾當相飾  
文四金入木金克於木故曰出血也

測曰蛸鳴喁喁口

自傷也

小人多口四則哇哇八又出血故傷於口也

上九白舌于于屈于根

君子否信

九為言金為白故白否也于于多難之貌也苟自文飾也言無本末君子不信也

測

曰白古于于誠可長也

人所可長以為戒也

䷋

三方一州疑人玄陰家八木三部二家疑上中象震卦

陰陽相碰物成彫離若

是若非

行屬於木謂之疑者言是時陰陽分數晝夜等森對相切磨萬物彫傷而離散陰王陽廢是非

有疑故謂之疑疑之初一日入角宿十二度

初一疑惘惘失貞夫

貞正也夫直也一小

人也執志不固惘惘然從人故失正直之道也

測曰疑惘失貞何可定也

心之多疑

無所定也次二疑自反乎不遠

二為平人而在疑家益以有疑火性燥上二上臣五故自

反也三當上進四據祿位以次當升故信不遠也

測曰疑自反反清靜也

清靜自守

方得也 次三疑彊昭受茲閔閔于其心祖祖始也彊彊梁也昭明也三為

木而在木行故疑彊梁而明盛也必受此疑故閔閔測然而自憂也於其心意始時所行不違於道故明也

曰疑彊昭中心冥也自疑不審次四疑考舊遇貞考問

也孚信也君子之道故舊不遺今而問之知其疑也信在於九遇正也 測曰疑考舊先問

也有舊而問次五蛛黃疑金中蛛赤也土色黃而先言赤者故疑也外赤內黃

故言疑金中陰家之陽色不純正也 測曰蛛黃疑中邪奪正也以赤奪黃非其色正

也 次六誓貞可聽疑則有誠六為之師師眾之事以誓為正故曰誓貞貞正也事

正故可聽也可聽則無疑無疑故有誠也 測曰誓貞可聽明王命也精誠之言明時

王之命也 次七鬼魂疑貞厲嘽鳴弋木之鳥射穴之狐反自

耳厲

七火六水水滅於火故為七鬼也厲惡也六正亢七故貞厲也嘽鳴歎也七為射又為兵兵飛而射

也弋射也為羽又為日日中有鳥八木七上於八故鳥在木上而日弋木之鳥也 測曰鬼魂之

疑誠不可信也

鬼魂之凶誠不可取信也

次八顛疑遇幹客三歲不

射

射厭也幹貞也顛下也三終也八木也而在木行二木相當客之謂也下疑遇幹貞之客人以名貴故終

歲不厭也 測曰顛疑遇客甚足敬也

幹貞之客故可敬也 上九九疑無

信控弧擬麋無

九為金故為弧夫比疑世也九位皆疑故九疑也無信無所信也控弧擬麋猶

曰無者疑之甚也

測曰九疑無信終無所名也

弧而不發何所成名也



三三三  
方一州  
部三家  
視人玄陽家九金

陰成魄陽成魄物之形

貌咸可視

成行屬於金謂之視者魄形也  
地也養萬物根莖若

母之養子也萬物形貌皆可觀視故  
謂之視視之初一日入亢宿四度

初一內其明不用

其光

何自視稱內明一而內明內自省視內省不疾何憂  
懼故內其明也謙以下人以光自耀故不用也

測曰內其明自窺深也

深窺己瑕而自改也

次二君子視內小人

視外

也君子謂一也一內其明故視內也小人謂二  
也陽家之陰故稱小入火光外照故視外也測曰

小人視外不能見心也

光明外照故不見己之心也

次三視其德可

以幹王之國

三為進人日新其德必升四而為公侯故  
幹國也家性為視內自省見故視其德也

測曰視德之幹乃能有全也

能自省料故全也

次四粉其題頰

雨其渥須視無姝

題額也頰面也渥美也姝好也粉飾也四者公侯之位而在陽家之陰故

小人也為小人之道不飾其心而飾其面猶姝姝之好而過於雨故視無好也測曰粉題雨須

不可忍瞻也

飾面遇雨不可視之也

次五鸞鳳紛如厥德暉如五

天位故稱鸞鳳孔子曰鳳鳥不至明為天瑞也紛如文章也暉如文德之貌也有文有德故暉如也測

曰鸞鳳紛如德光皓也

言其德皓皓然盛也

次六素車翠蓋維視

之害貞

宗廟尚質故素車也車素蓋羽猶為不純車服不純惟身之二家性為視能內自視改復於正

故貞測曰素車翠蓋徒好外也

君子之道被褐懷玉今高自外飾好非道之貞

也 次七視其瑕無穢

七火也火性光炎身不容瑕家性為視而內自視身光已清故無穢

也 測曰視其瑕能自矯也

自矯以正故無瑕穢也

次八翡翠于飛

離其翼孤龜之毛躬之賊

八為震震為鳥故翡翠也於郊為兔孤龜屬也各以文毛

之用遂致殺身之禍不自視之咎也

測曰翡翠孤龜好作咎也

八獨無視故逢咎也

上九日沒其光賁于東方用視厥始

九西方也日之將入故言沒其光也

賁飾也易曰山下有火賁賁黃白色也將入之日既赤且黃若初出之時也故曰用視其始也

測曰日

沒賁東終顧始也

終始相顧不相乖違者也



三方二州一部一家

沈

人玄陽家一水下象兌卦

陰懷于陽陽懷于陰志

在玄宮

行屬於水謂之沈者言陰氣升上陽道退下不相交錯陰陽宜交今不得通故相懷戀志於玄

宮也在下故謂之沈沈之初一日入亢宿八度初一沈耳于

閨不聞貞

貞正也一為耳耳在水中故沈也閨內也內者婦人之事一小人耳志在於內不聞正道

故言不聞貞也 測曰沈耳于閨失德體也

無有遠志故失體也 次二沈視

自見賢於眇之眇

二為目而在沈家故沈視也視而沈者必見其內內省不疾無所憂懼沈

而自見是賢眇之所眇也

測曰沈視之見得正美也

而自省察道之美也 次三

沈于美失貞夫

夫直也貞正也三為進人進不以道沈淪美色故沈美也不得其道故失正直

也 測曰沈于美作聾盲也

沈放美色故聾盲也 次四宛雛沈視食



苦貞

回為酉故稱宛雛亦為公侯義不素食故先苦而後得祿也得必以正故貞也測曰宛雛

沈視擇食方也

言其所食必當方也

次五雕鷹高翔沈其腹好媿

惡粥

粥出也媿懷也五為天而位正以雕鷹論者家性為沈沈於惡位高翔不復猶貪暴之君高志穢行

好懷齋利惡所出也

測曰雕鷹高翔在腐糧也

為君腐糧下不足也

次六見

票如累明利以正于王

票飛光也累重也六為上祿君子之道重明麗正光輝遠聞故

利以正於王也

測曰見票如累其道明也

道之分明故自見也

次七離如

婁如赤肉鵲巢厲

厲惡也七為目故稱離婁力視之貌也七為鳥故稱鵲巢鵲貪惡之鳥

也故見赤肉而力視之也

測曰離婁赤肉食不臧也

視其非求故不善也

次八

盼得藥利征

盼目之美也詩云美目盼兮濁盼而視故見藥藥以除疾猶明君求賢以祛蔽也蔽

間故利征也

測曰盼得其藥利征邁也

邁行也利以行次九

血如剛沈于顙前尸後喪

血憂也九又為金故稱剛亦最在上故言顙也家性為沈

九為之終故沈於顙也在前為尸謂木見克也在後為喪為火家在後克九金也

測曰血剛沈

顙終以貪敗也

進退有禍故終敗也

䷋

三方二州一部二家內下中象歸妹卦

陰去其內而在于外陽

去其外而在乎內萬物之既

行屬於火謂之內者秋分氣終於此首之次二寒露

氣起此首之次三言陰氣盡於天地之間陽氣復其下既已也故萬物已成將當蓋藏入於室內故謂之內內

之初一日入  
氏宿四度

初一謹于娶執初貞後寧

一水也火為之  
娶春秋傳火水

娶也故謹其內執匹也謹其娶匹男女  
道正故貞夫婦別室家安故後寧也

測曰謹于娶執

始女貞也

為女道正故  
為賢婦也

次二邪其內主迂彼黃牀

內主  
為婦

也火為水妃必見克害故內主邪也迂遠  
也黃中也牀亦內也內主不正故遠之也

測曰邪其內

主遠乃寧也

性相克害故遠  
之乃安寧也

次三爾儀而悲坎我西階

三陽位也內者昏姻之道仲春之月木盛東方坎憂也  
爾汝也汝三也悲悲己也納內之世親迎之道婦升西

階有代親之義故而  
自非憂感而已也

測曰爾儀而悲代母情也

感母見  
代故悲

心次四好小好危喪其蘊袍厲

厲危也蘊袍謂食祿也  
小好謂非正侈靡之事

也居公侯之位不念盡忠以和陰陽而徇侈靡故喪祿也測曰好小好危不足榮也

所好非事故不足以為光榮也次五龍下于泥君子利用取娶遇庸夷

五土也六為水土在水下故泥也龍以諭陽陽下於陰親迎之義也故君子利以取娶也庸大也夷悅也親迎

以禮故大悅也測曰龍下于泥陽下陰也親迎之時次六黃昏

于飛內其羽雖欲滿宮不見其女六為宗廟納婦廟見然後成婦昏者親迎

之時也于飛飛就陽也內其羽入于宮也六欲妃五而五克之見克不進故不見其女也測曰黃昏

內羽不能自禁也時過將奔禮所不禁也次七枯垣生芳醴頭內

其雉婦有七為祖父故白頭也白而不純謂之醴白頭而內稚婦者二為仲女而與七合故有稚婦

也測曰枯垣生莠勿慶類也

老夫女妻明不足慶猶可以繫族類也

次八

內不克婦荒家及國涉深不可測

克勝也荒立也八陰立也當婦於九九而

克之故不勝婦也婦而不勝故家亡家亡及國故不可深豫測也

測曰內不克婦國之

孽也

妖孽之生災及家國也

上九雨降于地不得止不得過

金生水故

雨降也雨施於地上施惠於下也不得止者祿有常數也不得過者不賞無功也

測曰雨降于

地澤節也

雨降于地節之以陂澤也

䷻

三方二州一部三家去人玄陽家三木下上象无妄卦

陽去其陰陰去其陽物

咸個倡

行屬於木謂之去者個張也倡盛也言是時陰陽易位二氣交錯萬物張盛各去其位故謂之

去去之初一日  
入氏宿九度  
初一去此靈淵舍彼枯園  
一為水最在下故稱靈淵

舍居也行在木木於秋而廢又一為沙泥木廢  
泥沙之上是為枯園家性為去故去下居高也  
測曰去

此靈淵不以謙將也  
水以善下為本今去下即高非謙德也  
次二去彼枯

園舍下靈淵  
二火也水克於火故相反也  
測曰舍下靈淵謙道光也

去高即卑  
道光也  
次三高其步之堂有露  
三為進人故高其步也五為堂視遠步高

當升未至故其  
樂速意露見也  
測曰高步有露妄升也  
不循揖讓而高其步故妄升也

次四去于父子去于臣主  
五以上為祖父之屬也四以下為子孫之例也四次於五

五升則四上父沒則子繼家  
性為去故去小而升大也  
測曰去于父子非所望也

子襲父位雖當居尊  
明無先望之意也

次五擻其衣之庭有廩

五為衣廩  
草也方近

於水故擻衣也庭中庭也五為中  
與故稱庭庭而有草故衣舉也

測曰擻衣有廩亦可

懼也

庭之不除  
君之懼也

次六躬去于成天遺厥名

六為上祿祿  
位高而尊家

性為去當成功而讓於人或若堯舜  
或便還五功成身退故天遺其名也

測曰躬去于成讓

不居也

己居天位公  
之於賢也

次七去其德貞三死不令

令善也  
七為火

其行屬木為其父母子去父母故言去  
其德也家性為去雖去而正故貞也

測曰去其德貞

終死醜也

三為終去其父母  
故終死不善也

次八月高弦火幾縣不可

以動動有愆

八陰也故為月月之高弦二十之餘也火  
謂大火火之幾縣歲將晚也八者老疾之

位於年為八十愆過也如月動而益晦火日以流退皆時之候也人之年老亦猶然致仕縣車遺法後生不可妄動以測曰月弦火縣恐見咎也常恐見咎故上九求有愆也

我不得自我西北

此木行也而金克之家性為去故去之也其求之也不西則北子求母本

是其義也

測曰求我不得安可久也

雖在去家安可久行也

䷗

三方二州二部一家

晦人玄陰家四金中下象明夷卦

陰登于陽陽降于陰物

咸喪明

行屬於金謂之晦者言陰陽易位萬物日彫故喪其明於晦闇之地故謂之晦晦之初一日入

氏宿十度

初一同冥獨見幽貞

水在金行子母之道在於晦闇之世雖同於冥故能

獨有所見而處於下故幽以陽居正故貞也

測曰同冥獨見中獨昭也

處晦而明



故昭也 次二盲征否 二為目而在陰位陰世晦故盲也

測曰盲征否明不見道也 既盲又否故不見道也 次三陰行陽從

利作不凶 夫陽行則陰從今而反之明世晦也然夫婦之道共成家事雖非公正作務之事未為凶

也 測曰陰行陽從事必外也 居家理治可移於官故必外也 次四晦其

類失金匱 四金也而在其行處晦之世故曰晦其類也金匱美寶也四是公侯之位而在其晦故失

其美寶也 測曰晦其類法度廢也 國之美寶廢失之也 次五日正中月

正隆君子自晦不入窮 五在中央故日月正中也月滿之時亦於中也故以日月喻矣

五為天位而在晦世從時而卑故自晦也謙尊而光故不入窮也 測曰日中月隆明恐

挫也

日中則昃故明挫也

次六玄鳥維愁明降于幽

降下也六為上祿高而無

民幽者神所居也宗廟之道以幽為明六為玄七為鳥以祠祭宗廟而維愁也

測曰玄鳥維愁

將下昧也

冥昧之中神所居之也

次七肅提明德或遵之行

七為失志

肅者目不明也提棄也弃其明由晦世也遵猶循也或循之行從時之宜也

測曰肅提明德

將遵行也

言行以德也

次八視非其直夷其右目滅國喪家

七為目八因以視故曰視其直也夷傷也右目為七也在八之右故為右目家性為晦目少且晦故傷也上欲

敵九九克於木故曰滅國滅故家喪也測曰視非夷目國以喪也

相克之世故喪

也○如霸王遇韓信眼不別賢而亡也○累將數本校勘無此注十三字惟林氏印行本中有恐是林氏新意

不敢除  
去也

上九晦冥冥利于不明之貞


貞正也九金也而在晦世故冥冥也

利以不明隨時  
之宜則貞也

測曰晦冥之利不得獨明也

時世晦闇九雖正陽

宜自抑損不得  
獨自分明也



太玄經卷五